

瓊山縣人物志目錄卷三十四

列傳

宋

姜唐佐 陳孚 陳應元

元

蔡微 張賢 林靖

明

唐 張善教 唐 王克義 王 惠

唐 舟 唐 亮 王克義

薛 遠 邱 濬 邱 敦

林 傑 林宗哲 唐 縉 馮 禺

瓊山縣志

卷三十四

人物目錄

唐 胃 陳 實 鍾 芳 曾 鵬

蔡仕儲 蔡伯祥 林士元 陳大章

楊 愷 陳 常 陳應辰 吳 效

吳會期 汪有執 吳 誠 余宗梁

黃 顯 黃宏宇 黃宏憲 廖士衡

陳天然 鄭廷鵠 李應和 海 瑞

蔣 蒙 陳恩誠 楊應辰 劉裁正

王汝為 王時元 陳大有 梁雲龍

陳傅嘉 陳大烈 王天麟 牛大緯

許子偉 陳應龍 何其義 潘之楫

黃壽之 陳邦禎 謝應華 張希堯



瓊山縣志

卷二十四

人物目錄

清

邱爾懿 蔡廷椿 吳鉉鍾 梁思泰

張紹美 唐濂伯 王斌 陳縝

周賓 陳憲 蔡廷相 鄭汝喬

吳恪 曾應唯 馮天與 陳維臣

余啟 王世昇 陳邦猷 林琅

鄭儒 牛全 邱承箕 張子翼

陳日新 馮嘉遇 曾僖 王朝隆

楊碧 李珊 蔡齊宸 陳衍

王濂 周奇健 甘永泰 周世昭

唐冕 柯呈秀 夏昇

張履吉 馮侯 林儲英 蕭元長

吳金 吳興 吳黃煥 張覃勳

蔡文賢 蕭璋 杜克紹 鄭鎮

雲志達 王斗文 王時宇 王之藩

馮玠 李琦 陳琮 符元禮

王承烈 杜以寬 謝寶 王凝機

周政府 陳毓法 周其燧 吳榮光

林淇萊 黃光祖 吳魁朝 黃兆炳

林文煥 杜應清 馮定儒 曾日躋

陳韶中 柯世振 楊文熙 鄭文彩

蔡藩 李向桐 邱對欣 陳毓姜



陳九如 吳儁 郭天衢 符顯欽

王廷傳 黃建範 鄭天章 周仁山

馮耿光 梁悅孔 張伯瑒 王沂瞻

王龍章 陳嘉謨 王星鵬 黃侷

陳貞 馮驥聲 辜錫璋 林之椿

曾對顏 張廷標 王子俊 楊敏

陳宗虞 蕭志健 舒喬青

忠義

宋

謝明 謝富 冉安國 黃之傑

元

瓊山縣志

卷三十四

人物目錄

周仁

明

郝信 王正 俞寬 谷泰

王欽

清

梁際運 鄧朝麟 吳壯猷 陳秀光

陳國泰 陳鳳森 王定三

奮勇

明

蔡從龍 張紹鵬 王世臣 崔上臣

清



蔡傑  
吳道權  
黎必耀  
楊遇春  
張志剛  
周朝陞  
王隆福  
林宜華

孝友

元

王紹

明

蔡庸  
榮瑄  
王恢  
唐繼祖

鄭稽  
唐鱗  
周禎  
楊禎

張可載  
王盤  
徐福  
孫思誠

陳鉞  
李廷茂  
周維城  
李輔聖

清

瓊山縣志

卷二十四

人物目錄

四

周其都  
林昌運  
鄭存禮  
林朱密

劉繼漢  
吳位和  
張載燾  
黃政愷

楊題青  
郭唐封



瓊山縣志卷之二十四

人物志一 宋 元 明 清

列傳

宋

姜唐佐字君弼

黃通志作公弼

瓊山人己卯閏九月從學

於東坡至儋耳庚辰三月方還瓊

阮通志

東坡甚

重其才嘗跋其課册云雲興天際歛若車蓋凝

眸未瞬瀾漫靈鬯驚雷出火喬木靡碎殷地藝

空萬夫皆廢懸溜綆墜日中見沫移晷而收野

無完塊蓋極狀其文氣雄偉磊落倏忽變化也

黃通志

後遊廣州學有大名登鄉薦

蕭灤城集云

瓊山縣志

卷二十四

人物

吾兄子瞻謫居儋耳瓊州進士姜唐佐往從之

遊氣和而言道有中州士人之風子瞻愛之贈

之詩曰滄海何曾斷地脉白袍端合破天荒告

之曰子異日登科當為子成此篇崇寧二年正

月隨計過汝陽以此句相示時子瞻之喪再逾

歲矣覽之流涕念君要能自立而莫與終此詩

者乃為足之云生長茅間有異芳風流穆下古

諸姜適從瓊管魚龍窟秀出羊城翰墨場滄海

何曾斷地脉白袍端合破天荒錦衣今日千人

看始信東坡眼力長

阮通志

祀鄉賢

陳孚嘗從郡守建陽宋公貫學得第鄉人慕之始



習進士業後多甲科自孺始也阮通志 祀鄉賢

陳應元字景仁七歲能屬文年十八授徒鄉校舉

瓊臺掌閣登紹定二年己丑進士初尉徐聞秩

滿僉書昌化軍漕使顏戮辟宜倫令華改番禺

李昂英昂原志 徐清叟董槐董原志 李曾伯交

章薦之倅雷攝儋所至有聲學行政事為瓊士

先祀鄉賢子明震以廕補將士即明俊以昌化

築城功亦授官黃通志

元

蔡微字希元元原志 號止菴宋學士襄之裔居萬

寧後遷瓊山通經史善文辭知縣李思迪稱其

瓊山縣志 卷二十四

人物 二

文謂海南儒者未能或之先先任樂曾學後攝

瓊郡學能時不偶遂隱不仕纂瓊海方輿志戴通志

祀鄉賢

張賢五原人至正中陳子瑚陷郡城瑚死弟有慶

接踵煽逆偽萬戶裴元貴黨與潘應吳紹先等

據瓊城民被荼毒賢倡義兵丙午三月斬元貴

等暨餘黨不計數追取各衙門印信復郡城本

道副都元帥陳乾富等達其事齎馬匹表裏銀

碗賞勞授安撫司僉事丁未復立屯田萬戶府

以賢機謀宏遠韜畧深沉陞授萬戶領之洪武

元年歸附二年以賢良例起之行至廣州告老



歸卒

阮通志

祀鄉賢

林靖能詩文

牛志

明

唐詎方本名遜以字行東廂人元郡教授聞孫篤學好古元末隱居避辟洪武初首舉經明行修授郡庠訓導有規範永樂三年乙酉冬詣闕請老太宗竒其狀貌容止曰此老回去還有十年壽門有古榕常休憇其下雨則躬循田畝他勝有敗者亦為治之代貧乏嫁娶鄉里稱榕樹公真長者姪舟少從筆硯後歷官內外臺奉書問安詎方答以詩有云勿憂吾育病且喜汝無錢

瓊山縣志

卷二十四

人物

三

永樂乙未卒壽七十七果符十年之語祀鄉賢

張善教五原人萬戶賢子洪武丙子由貢中應天

鄉試授岑溪教諭永樂初改沙縣教諭學行粹

潔立師道明職業未逾年士多感化倡義捐資

以新文廟

黃通志

歸建濱淪亭與趙謙王惠楊升

游咏為一時推重

賈志

其在沙縣時所嘗行止處

人以瓊臺瓊谷目之

福建通志

祀鄉賢

唐衡字平叔通經博學善古文洪武初以經明行

修起為府學訓導後陞福建都司斷事

阮通志

王惠字仲迪家本合肥從兄千戶志調官海南遂

占籍焉博洽能文嘗從趙考古講明性命義理



之學潔白清修毅然自立學士解籍稱之洪武  
末大臣薦至京以三喪未舉力辭歸號霜筠天  
下高其節行所著有截山詠史嶺南聲詩鼓吹  
等集祀鄉賢牛志兄懋別見隱逸傳

唐舟字汝濟東廂人父英別見卓行傳舟學優才  
瞻建文壬午鄉試永樂癸未復試皆第二甲申  
舉進士授新建知縣始至簡易御下無赫赫名  
久而漸著上下大服有問其故曰古人所謂新  
任如處暗室輕動必有觸損从坐自明未幾應  
求賢詔陞江西僉憲整肅紀度郡邑承望風采  
南昌守以舊隙恐懼不敢仰視舟加敬禮人服

瓊山縣志

卷二十四

人物

四

其量後以事降判衢郡折節撫綏尋以非辜從  
戎隆慶衛衢人思之仁宗登極大臣首薦爲監  
察御史入京卽抗辯內侍陷黃本固等數事風  
節愈勁出按浙江所至多政譽爲人胸次坦夷  
光明無纖芥吟域率性任眞敷歷申外餘三十  
年所至有冰蘂聲嘗題門帖曰雪霜半染申年  
鬢天地應知暮夜心及歸杜門不出家無儋石  
之儲晏如也年八十二無疾而終戴通志祀鄉賢

唐亮字景明舟子幼聰敏隨父宦遊常山學中永  
樂丁酉浙江鄉試戊戌登進士除泗州判官晉  
詹事府主簿仁宗朝擢寧國府同知黃通志



王克義字宜齋海口人永樂乙酉鄉薦丙戌進上  
授崇仁知縣大臣以博學宏詞薦至則增減宋  
詞科試之稱旨授工部主事尋出爲建昌推官  
所至有廉能聲其試蓬萊春曉歌爲時傳誦戴通  
志祀鄉賢

吳錡字坦齋西廂人世居南橋永樂戊子舉人辛  
丑進士授義寧知縣重建縣治修公廨尤加意  
學校士皆知向學粵西文載明初瓊俗敦樸禮文苟  
簡坦齋始以詩書倡導鄉邑凡冠昏喪祭多所  
取則比兩京縉紳欲行冠事筮賓輔於國學兩  
出吳氏門人吳畊沙洪當時莫不景仰瓊爲海

瓊山縣志

卷二十四

人物

五

外鄒魯然後知坦齋天下士也

王佐文集

薛遠字繼遠前所人世本無爲州人祖祥洪武間  
爲工部尙書獲罪父能坐戍海南衛遂籍焉蕭志

遠正統壬戌進士景泰時官戶部郎中天順元  
年擢本部右侍郎改工部奉詔塞開封決河還  
仍改戶部成化初督兩廣軍餉位至南京兵部  
尙書以忤汪直免官明史薛祥傳宏治壬子以建儲

恩進階榮祿大夫乙卯年八十二卒贈官保蕭志

遠敏而好學於禮樂兵刑天官律歷無不涉其  
要尤熟本朝典故在戶部最久均節委積內外  
遠近多寡輕重皆有法式會計出納胥吏斂手



每年中外競陳利害迭為報罷有司不知所從  
遠以為凡若此者一切報罷則官省民安時論  
避之嘗曰馭吏嚴刑以懲不若先事而發善革  
弊不若無弊可革其慮事中理多類此有司為

建祖孫尚書坊戴通志祀鄉賢

邱濬字仲深西廂人其先世家泉州晉江元季有

官於瓊者遭亂不能歸遂籍焉何喬新撰誌祖普性

仁愛專事濟人為臨高醫學訓科宣德甲寅郡

大饑白骨遍野以第一水橋地置義塚躬求全

飢瘞之封塋纍纍百餘所清明節必洒以酒飯

所行自少至老多類此年享遐壽人謂天報父

瓊山縣志

卷二十四

人物

六

傅蚤卒母李氏守志訓之濬生有異質讀書過

目成誦日記數千言六歲信口為詩語皆警拔

嘗咏五指山識者知為國器稍長博觀羣書雖

釋老伎術不廢黃通志家貧無書嘗走數百里借

必得乃已明史年十七始習舉子業落筆為文

數千言立就牛志出倫輩正統甲子首舉於鄉

主司全錄五策兩試禮部名在乙榜卒業太學

祭酒蕭磁深器之由是名益重景泰辛未告歸

所與厚者咸贈以詩編修岳正知其後必大成

作序送之甲戌復試禮部學士商輅主試事閱

論策意為濬及揭名果然廷試二甲第一選入



翰林爲庶吉士者十八人濬爲首被命修寰宇通志時洗馬李紹偕諸學士會史館謂濬曰子生海外何從得書籍師友而博洽如此濬自以遠方新進一旦名動京師歆然不自足益求人問未見書讀之遂以博洽稱於時尤熟本朝典故樂爲學者道之通志成授翰林院編修文章雄渾壯麗四方求者沓至碑銘序記詞賦流布遠邇然非其人雖厚幣請之不與黃通志海南衛官軍苦遠調天順七年濬奏免專防海黎上嘉納之至今瓊南軍衛尸祝焉賈志兩廣用兵經年不息濬條列事宜奏記大學士李賢纒纒數千

瓊山縣志

卷二十四

人物

七

言賢善其策上之英宗嘉嘆付所司舉行總兵官趙輔巡撫御史韓雍破賊多用其策八年憲宗登極充經筵講官成化元年陞侍講命與修英廟實錄三年實錄成進侍講學士經筵進講吐音洪暢憲宗竦聽甚悅五年丁母憂服闋復職十三年續修宋元綱目成陞翰林學士濬自出已見撰史畧謂朱子綱目以正統爲宗然秦隋之末有不可遽奪漢唐之初有不可遽予者乃作世史正綱以著世變之升降明正統之偏全有裨世教是年祭酒員缺僉謂非濬不可乃陞祭酒黃通志時經生文尙險怪或不可句濬主



南京鄉試及禮部會試深痛斥之怨誹不恤也  
及爲祭酒尤諄諄爲學者言文體乃復渾厚士  
有慕道學者或過爲詭異以邀名因考會試發  
策言之所言皆切時弊何喬新撰墓銘士乃知道以中  
庸爲至詭異不足尚也其在太學論者謂師道  
尊嚴無愧李文忠公綜理細微則文忠公不及  
嘗謂朱氏家禮最得崇本敦實之意然儀節畧  
焉乃考諸儒言作家禮儀節使好禮者依之行  
朱子微言散見傳註語錄學者卒未易求乃采  
其精切者彙爲二十篇作朱子學的何喬新撰墓銘十  
六年加禮部侍郎仍掌國子監事復以西山真

瓊山縣志

卷二十四

人物

八

氏大學衍義有資治道而於家國平天下之事  
缺焉乃采經傳子史切於治國平天下者附以  
己見凡一百六十卷賈志彙輯十年以補真氏之  
闕其目凡十有二曰正朝廷其目六曰正百官  
其目十有一曰固邦本其目十有一曰制國用  
其目十有一曰明禮樂其目六曰秩祭祀其目  
七曰敦教化其目十有一曰備規制其目十有  
六曰慎刑憲其目十有四曰嚴武備其目十有  
六曰馭邊方其目九曰成功化其目一瓊臺而會彙  
其大要則尤在審察其幾微之先以成天下之  
務故又首補誠意正心之要曰審幾微自爲一



卷其目有四曰謹理欲之初分察事幾之萌動  
防姦萌之漸長炳治亂之幾先著論發明慎獨  
內省真切有先儒所未及者蓋其獨得之見也  
名之曰大學衍義補孝宗嗣位乃表上之上覽  
之甚嘉批答有曰卿所纂書考據精詳論述該  
博有裨政治朕甚嘉之黃通志資金幣命所司刊  
行特進禮部尙書掌詹事府事明史濬累疏力辭  
求致仕不允會修憲廟實錄充副總裁官宏治  
四年實錄成加太子太保復三疏求致仕不允  
黃通志尋命兼文淵閣大學士參預機務時年七  
十一矣明史入內閣復三疏固辭不允乃奏請擇

瓊山縣志

卷三十四

人物

九

衍義補中要務行之上見納乃就職務以寬大  
啟上心忠厚變士習凡人才進退政事廢舉一  
惟祖宗舊典是循黃通志五年上疏數千言請釐  
革弊政二十二事疏見藝文又請訪求遺書上皆嘉  
納洪武永樂以來凡百司朝覲命吏部都察院  
考其尤不職者乃黜之不過數十人成化六年  
大計羣吏吏部務以多黜爲公方岳以下少有  
微瑕輒黜之黜者亦不敢訴濬深知其弊言於  
上曰唐虞三載考績三載黜陟今有居官未半  
載而黜者人言未必皆實此非唐虞之法亦非  
祖宗舊制也上深然之會吏部上大小庶官當



黜者幾二千人乃勅凡歷官未及三載者俱復其任非有貪暴實跡勿黜蓋用其言也醫官有療疾往來濬家者以失職怨冢宰王恕奏訐其短或疑出濬意上察其誣待濬益厚七年加少保兼太子太保改戶部尙書武英殿大學士以目疾辭不允濬性剛直與大臣論政議所未安必反復辯論言官論事亦必以是非詰之不肯媵媵取悅前後凡十三疏乞歸上皆不允問勞賜賚踵接自筮仕至位極人臣四十餘年自處無異草布產業僅能卒歲第宅不逾齊民在都城市屋於蘇州巷南規模卑陋僅蔽風雨始終

未嘗少拓到今呼爲邱閣老巷所得俸祿卽充官費絕無贏餘八年卒於官年七十六訃聞天子嗟悼輟朝一日賜寶鈔一萬貫贈特進柱國太傅諡文莊命行人宋愷護喪南歸行裝自欽賜白金綺幣外惟圖書數萬卷而已

黃通志

正德

十年巡按御史奏濬起自甲科歷事列聖惓惓以忠君愛國經世宰物爲心修職之暇著書庶訓使學者明綱常以端本原酌古準今以成天下之務於世教非小補也

景賢祠疏

因賜額祀於鄉

曰景賢以配宋學士蘇軾以風示天下凡近臣文臣生死承恩眷之隆實前此所未有者

黃通志



濬弱冠著書謂許衡仕元無能改於其俗必不能行己之道雖不仕可也聞者駭愕牛至修英宗實錄有言于謙之死當以不軌書者濬曰已已之變微于公社稷危矣事久論定誣不可不白其持正多類此明史本傳先生之學以紫陽為宗讀書窮理以究極聖賢之蘊其志以身致太平為己任著書必事事求其可行立朝不干名譽介然以清節自勵家庭孝友鄉黨服其化會稿後序嶺南人物自張文獻公有聲於唐余襄公崔清獻公有聲於宋迨公四人焉公晚登政府疾病半之然大學衍義補一書其經濟之才可見矣

瓊山縣志

卷二十四

人物

十一

朱子學的一書其為理學亦可知矣經濟理學兼而有之使得久於位盡行其言相業豈三君子可及哉何喬新撰墓誌尹直贊曲江其師東坡其匹世以為知言云賈志祀鄉賢

邱敦字一成濬長子性簡默塾師疑其癡濬遭喪留敦在家敦乃盡讀所儲書非有事足跡不涉公府對人如木偶不出一語會高雷閩有故河遺跡有司開通以便往瓊舟楫敦家書併及謂疏治失宜恐先貽害元人治河因之召亂往事可鑒濬得書始知其不凡也屢書趣還京邸以應錄為太學生挾春秋藝試京闈下第遂屏棄



舉業研究經史百家絕無進取之意其學以積思自悟爲主終日凝然無言繼以通夕不寐有所得發而爲文多不起草落紙如飛酷嗜素問著醫史其運氣表三因說言皆有補於世時見倖佞李廣輩將復成化故事作發冢論以攻宦者蓋取莊子詩禮發冢之義設爲甲乙辨詰之辭黃通志謂其友蔣冕曰走爲此論乃癡人說夢事也安知聞人說夢者亦不癡其人哉夫天下之事心有所蔽則以惡爲美以非爲是以害爲利者多矣自非爲之說者逆探其所料指摘其所信推極其所期竭兩端而盡之又曷足以感

瓊山縣志

卷二

人物

七

悟其心也耶已而思母嬰疾宏治三年卒於京邸年三十一敦雅好儉素雖生長富貴自奉率如寒士少時不肯衣新衣或問其故曰吾特惡其華爾海外俗尙侈巨室子弟多乘馬張蓋敦獨徒行不由中路遇者望而知爲敦也見利顧義辭受無大小必謹有瓊守遣訟者饋五百金使爲解紛敦斥去之方伯陳選因其北行贖白金二錠遣人致辭曰選生平不餽遣人徒以老門生之故耶君其勿却敦竟不受每欲修會祖掩骼故事施德於不報北來時夜宿會通河夢至岸傍有古墓嚙於水明日過之儼然夢中所



見亟戒從者掩以土而後行其嚴毅中有惻隱  
如此卒時蔣冕哭之慟為序其書以行於世黃通  
志祀鄉賢

邱京濬季子字峻成以廕授中書舍人性習仁愛  
重義樂施瓊州經二大征後白骨徧野盡收而  
瘞之時疫大行施良劑以救活者甚眾有曾祖  
風平居罕至城邑有司重之敦子當廕尚寶司  
丞卒復以當子郊字汝賢繼其官郊事祖母及  
母以孝聞與其弟祁友愛尤篤祖業有膏沃者  
讓諸祁祁不肯受則曰我有官矣宗黨皆多其

義黃通

瓊山縣志

卷二十四

人物

十三

林傑宅念人景泰庚午舉鄉試亞元甲戌成進士

授南臺御史陞浙江副使牛志表賢亭以表薛遠

邢宥邱濬林傑四賢提學胡榮有記其畧曰四

賢俱發軔巍科接踵要路猷為足以匡弼時政

風裁足以激揚濁清文章足以補助道化實瓊

人之師海內之望也阮通年八十一卒牛志

林宗哲字執中大林人順孫天順壬午舉於鄉知

巢縣授蕭湖河泊官邵暮金五百兩巢河泛溢

病涉捐俸造浮梁旱蝗禱城隍蝗不入境虎啞

人文告山靈虎斃淮安士民訴父冤輒曰願得

巢令訛無憾也牛志祀鄉賢子汝常亦舉鄉試



知仙遊縣

賈志

唐絹東廂人瑤之姪寓居澄邁天順壬午鄉薦成

化己丑進士為江陰令廉而恕時特越法有所

縱舍御史怒其專擅劾為故出罪當謫戍絹無

以自明奮怒引刀自刎而不殊時武進令熊翀

絹同年進士也聞之亟令善治金劊者往治之

得不死翀復令人代絹詣闕訟冤章下南京都

察院辯之事白絹得復官

阮通志

馮禹字有孚蘇尋人宏治己酉鄉薦九年進士初

為戶部主事官軍討叛黎符南蛇久不克禹歷

陳致變之由請購已革土官子孫俾招集舊卒

瓊山縣志

卷二十四

人物

七

以夷攻夷有功則復舊職尚書劉大夏亟稱之

奏行其策

阮通志

歷官本部郎中巡歷古北口九

江抽分以能謹著改湖廣監察御史

牛正德初

偕中官高金勘涇王所乞莊地清還二千七百

餘頃

明史劉天錫傳

嘗以事忤劉瑾為所誣陷憤激卒

於官

賈志

人皆惜之瑾誅復官賜祭

明祀鄉賢

唐胄字平侯東廂人幼穎敏博通經史百家宏治

戊午鄉試壬戌會試皆魁禮經

賈志

授戶部主事

以憂歸劉瑾斥諸服除久不赴官者坐奪職瑾

誅召用以母老不出嘉靖初起故官疏諫差內

臣蘇杭織造請為宋死節臣趙與珞追諡立祠



進員外郎遷廣西提學僉事為購羣書以迨多  
士令士官及獯蠻悉遣子入學擢雲南金騰副  
使土酋莽信虐計擒之木邦孟養構兵胄遣使  
宣諭木邦遂獻地屢遷廣西左布政使官軍討  
古田賊久無功胄遣使撫之其魁曰是前唐使  
君令吾子入學者即解甲明史本傳時王府宗室受  
封賄官吏補支祿米自出幼具題曰為始歲費  
幾千萬石乃奏革其弊得旨如議通行天下獻

錄

擢右副都御史巡撫南贛移山東遷南京戶

部右侍郎十五年改北部進左侍郎帝以安南  
久不貢將致討郭勛復贊之詔遣錦衣官問狀  
中外嚴兵待發胄上疏諫不可者七疏見章下

瓊山縣志

卷二十四

人物

五

兵部請從其議明年四月帝決討征討侍郎潘

珍兩廣總督潘旦巡按御史余光相繼諫皆不

納後遣毛伯溫往卒撫降之郭勛為祖英請配

享胄疏爭帝欲祀獻皇帝明堂配上帝明史本傳胄

抗疏爭辯不屈疏見帝大怒下詔獄拷掠削籍

歸遇赦復冠帶明史及疾篤聞帝奉章聖太后梓

宮南祈喜曰此神聖之見也猶力疾北向叩首

蕭志尋卒隆慶初贈右都御史胄耿介孝友好學

多著述立朝有執持為嶺南人士之魁明史本傳為

文有理致源委不尚浮靡篤嗜白玉蟾詩文為



之精選名海瓊摘稿所著有瓊臺志江閩湖嶺

都臺志西湖存稿行於世

阮通志

祀鄉賢千穆嘉

靖戊戌進士禮部員外郎爲人雅樸有父風著

有餘學錄孫恪以應授官

蕭志

陳實字秀卿頓林人曾祖士聰祖蔭父昭世有隱  
德實童時重厚弱不好弄十七遊邑庠宏治戊  
午鄉薦壬戌進士劉瑾用事卽告疾歸家居足  
跡不入城市遭父喪服闋未起瑾矯詔例勒除  
名瑾敗起爲南京江西道御史時內臣趙蘭以  
內旨採珠於合浦騷民黷貨劾罷之尋以母喪  
去服闋除廣西道辛巳出按應天徽寧諸郡舉

瓊山縣志

卷二十四

人物

十六

劾無所遺蕪湖有沙灘民業葦利中貴奪之實  
奏還於民嘉靖初出知常州府嚴參見之儀謹  
文移之式爲遠大而不屑近小期月上孚下悅  
稱循良歲大祲民率走死憂甚檢庫中羨餘得  
銀數千兩糴穀賑之或勸分富室不聽曰人各  
爲家勸猶斂也是冬有年浙東海道倭人入貢  
與人交貨羣鬪殺人都指揮以下驅焉而被害  
者一人傷者若干人事聞朝議守者不豫欲置  
重法上遣都給事中劉會巡按御史王臨覈之  
檄與其事實言倭來以貢不以寇事出不虞安  
能豫之雖然官亦不能無罪若加重法則過矣



至士卒於王將死不赴救自有常法亦不可加重上如議從之既歸常病士習之浮靡欲以正學倡之謂宋楊龜山嘗與鄒道鄉諸君子講明程學於常留寓最久乃建書院於城之西隅以祀龜山道鄉而下十人榜曰道南取程子送龜山語也平居無浮言妄動事必有則精密平恕每以古人自期居家孝友內外無間言從弟容死遺孤二人育之成立有田數百畝歲入取給賓祭日用餘悉分諸宗族士官某犯法以數千金乞言緩死峻拒之阮通志嘗曰學重養心尤莫先於辨義利人多銘座右撫按交薦卒於官御

瓊山縣志

卷二十四

人物

十七

史朱實昌爲之奏請卹典蓋異數也所著有虛

菴集祀鄉賢蕭志

鍾芳字仲實先崖州人改籍瓊山少育外親因黃

姓後奏復焉自幼穎異十歲入州學宏治辛酉

領鄉薦第二正德戊辰登進士二甲第二選翰

林庶吉士授編修以忤時左遷寧國府推官精

於吏事能折滯獄他郡咸求質成政績大著會

大水歲祲議行賑恤民獲奠居部使者交薦其

賢陞漳州同知尋擢知府事時兵憲欲征漳寇

芳主相機撫剿督府卒從其議陞南京戶部員

外郎署吏部稽勲司郎中轉考功一時名公如



劉春羅欽順凡甄別優劣皆從其言遂實授陞  
浙江提學副使校文必尚名檢敦行力學者爲  
上穎悟淹貫言行知慎者次之挑達諧蕩者文  
雖工必懲由是浙士斐然向風陞廣西右參政  
單車入洛容諭降賊帥羅朝墮等千餘人尋調  
兵扼險攻柳州馬平之穿山峽賊皆喙息貴縣  
多虎患爲告山神虎悉遠遁會督府召議軍事  
芳留蒼梧而鵬剿六青諸崗招降賀縣恩柳等  
寨皆其策也黃佐撰墓誌銘討田州叛酋岑猛定平樂  
大藤峽屢有軍功捷聞兩賜金帛陞江西右布  
政使凡藩祿軍需之難處者區畫悉得大體獻徵

瓊山縣志

卷二 古

人物

十八

錄庚寅陞南京太常寺卿明年春大臣行祭告

禮欲比正祭芳言告祭主於誠不在備物禮當  
與正祭異惟用脯醢酒果上從之著爲令尋攝  
國學講論經義求諸身心胄子莫不感動陞南  
京兵部右侍郎與參贊王廷相協恭革弊諸凡  
秕蠹爲之頓清改戶部右侍郎與許讚經畧邊  
儲以紓民力復查舊規嚴限以警濡滯散餘米  
給軍以免鬻船之患於是漕政大舉甲午七月  
南京太廟災自陳修省以回天變言甚剴切且  
乞休益力上重違其請准致仕家居十餘年未  
嘗一至城市惟以書史自娛有干以私者謝曰



吾守志猶發婦豈以晚而失節耶子繼母楊至  
孝兄魁弟英早夭禮恤惻發俛守貞得所人以  
爲難其爲文雄渾精深氣隨理昌論學以程朱  
爲宗嘗言性根諸心非學弗培故道問學卽所  
以尊德性非有二也又謂存養兼動靜非端默  
靜坐之謂知行本自合一知以利行行以踐知  
理無內外心亦無內外也晚年卜築於瓊名其  
居曰對齋義取對越上帝事道卽事天也蓋其  
用功益密所造益深矣墓誌甲辰卒於家年六十  
九訃聞昭右都御史賜塋祭芳性簡重寡嗜慾  
其爲學博極而精雖律厯醫卜之書靡不通貫

瓊山縣志

卷二十四

人物

十九

然皆取衷於孔孟正論爲嶺南鉅儒所著有學

易疑義二卷

朱彝尊經義考作三卷

春秋集要十二卷

欽定四庫全書提要此書以集要爲名故文殊簡畧中

間如謂春王正月爲建子謂桓公三年書有年

非紀異謂襄公二十八年書衛侯衎非俟其改

過謂昭公元年書敗狄於鹹非譏毀軍崇卒皆

發前人所未發復有皇極經世圖續古今紀要

崖志畧小學廣義養生舉要及詩文二十卷行

世獻徵錄

子允謙字汝益爲人純實廉靜無求讓

父廕於從子鄉人高其義登嘉靖己丑進士知

浙江寧海縣稽飛稅均丁糧復塘壩以滋灌溉



志以經學飾吏治蒞事嚴而有法庭無私謁建  
社學置社田留心教化陞刑部主事浙江通志歷陞  
知福州府有惠政丁艱起復補知萊州卒於官  
與父同祀鄉賢允謙子儲溫和純厚事繼母得  
其歡心尤善處兄弟不失世訓賈志

曾鵬字元翰宅念人父英正統甲子鄉薦宰茂名  
清苦愛民鵬宏治辛酉鄉薦正德甲戌進士知  
龍溪兵荒相仍乃緩征薄歛捐俸修學築八都  
諸堤有惠政民立石頌焉牛志祀名宦擢刑部主  
事歷福建副使辨冤獄如神改貴州都勻兵備  
旬月平土寇蒙鉞招降海口賊阿向晉參政未

瓊山縣志

卷二十四

人物

二十

行分守某欲自以為功乃率眾襲賊全軍覆沒  
撫臣急檄鵬終其事至則單車入賊壘賊駭曰  
聞公已遷去今猶在耶鵬為言禍福遂解兵聽  
約束郭通志未幾以足病乞休疏三上不許乙未  
八覲時武定侯郭勛當國外官多餽遺者鵬曰  
吾生平不能委曲今老矣奈何白首改節遂歸

郭通志海忠介稱鵬為先輩師法祀鄉賢賈志

蔡仕儲字鍾秀號石南遵都人質粹行純博極羣  
書年十八為人師年長以倍者皆北面執弟子  
禮有河汾之風有司欲周其貧堅守儻如也高  
雷之士越海從遊者甚眾正德庚午領鄉薦遊



太學發尙書人心道心之旨申明義利之辨祭酒湛若水深服之林參政士元贊其爲明道先覺潛德化鄉云學者稱石南先生

黃通志

祀鄉賢

蔡伯祥字景和遵都人恬靜簡默學問蘊藉正德

間由舉人任翁源訓導

黃通志

伯祥任翁源十六

年爲人口吃而善屬文提學魏校招至省城講學韶州知府周叙延入郡城爲六邑弟子員講授應聘廣西衡文甚稱得人以會試卒於途旅櫬至韶諸弟子哭之哀知府唐昇給資歸祀名

宦

翁源志

祀鄉賢

林士元東洋人字舜卿正德庚午鄉薦甲戌進士

瓊山縣志

卷二十四

人物

二十一

授行人冊封唐藩饋金六十鎰卻不受王深器

之乙酉擢南京戶科給事中劾光祿少卿史俊怙勢殺人都御史汪鋐考察不公併劾罷內外

不職者數十人仕路一清先後陳時務數十疏

皆極剴切壬辰擢湖廣副使備兵衡永江華流

民與士戶爭田構兵連年禍延諸郡士元單騎

往諭爭遂息吏部郎中鄧尙義之弟挾制守令

侵牟里黨按以法轉廣西參政分守蒼梧戊戌

征大藤峽士元督餉紀功有貴勢子弟希報功

次絕不假借捷奏擢浙江按察使未赴以憂歸

遂不起祀桂林名宦

黃通志

晚年家居時或戴笠



躬耕鄉人賢之所著有學思子中庸孟子衍義  
讀經錄讀經附錄孔子世家顏子列傳討論北

泉論草及文集十卷祀鄉賢阮通志

陳大章字紹遠中所人正德庚午鄉薦司訓漳州

遷安仁教諭擢竹溪縣令有政聲以終養家居

杜門誨子郡守張子宏雅重之郝通志曾纂修漳

州志卒年七十有五舊志祀鄉賢

楊愷西廂人正德癸酉舉人嘉靖癸未進士任南

京戶部主事告終養歸祀鄉賢

陳常字時敏興義人少孤貧讀書不為記誦夜坐

沉思有所得即燃燭書之觀中庸至廢寢食語

瓊山縣志 卷二十四

人物 三十一

人曰中庸無所不貫吾人終身受用不盡正德

癸酉領鄉薦任化州學正督學魏校歐陽鐸俱

重之屬校兩漢書以憂去補寧州擢知桂平三

年罰鍰不入已上官派貨於屬邑令鬻之常曰

夙聞瘠己肥民不聞虐民媚上竟謝職去士民

泣送之祀名宦常性嚴格處屋漏如對大廷不

少放恣鄭廷鵠稱其篤實務學不近勢利皆實

錄也牛祀鄉賢志

陳應辰字思齊興義人常子性資端謹有父風長

於詩文執父喪三年廬墓不懈常市縿商有誤

加者計直所贏追而還之郝通志好施與戚屬貧



乏多所周濟不忍傷物雖微而烏窠蜂房必戒  
護之嘉靖辛酉貢於鄉授古田司訓以內憂起  
補臨川多曲成士類轉代藩教授卽拂袖歸家  
居十一年雖屢空晏如也每題柱曰書本看來  
多少益菜根咬得有餘香卒年七十有五賈志海  
忠介作詩輓之曰破屋凄凄問故人空遺正氣  
兩間存西風吹透綿花絮復死何人付史論祀  
鄉賢

吳效字復初張吳人性孝義少遊邑庠當食餽遭  
內艱輒慟然不忍就其季子昌期死於車輶車  
家以貲求免固卻之牛志曰汝何心誤傷耳里中

瓊山縣志

卷二十四

人物

三

多好訟廢學乃構精舍行朱呂鄉約演四禮以  
勸說之祀鄉賢郝通志

吳會期字可行張吳人效子篤行古道正德己卯  
鄉薦時僉憲汪鋹以所罰黎民悅七十金爲餽  
會期受而還之民悅登嘉靖癸未進士授南京  
戶部主事轉工部郎中營九廟稱旨嗣修七陵  
內侍高宗冀營私蠹會期不與旣告成首費十  
五萬進正四品俸服牛志時嚴嵩當國欲會期附  
己私語同官熊某曰此郎視京堂若固有足不  
一至吾門何迂也會期間之作迂愚解嚴嫉之  
言者承嚴意旨論謫於外遂拂衣歸肅皇晏駕



衰服宿崇文院三日倚廬於中門外者二十七  
日其忠愛如此立家廟置義田日與親族相規  
勸海忠介稱貌古心實直指陳道基旌其門院通  
志祀鄉賢

汪有執字義甫右所人事繼母以孝聞領正德己  
卯鄉薦知海門陞通州守河間同知歷官戶部  
員外郎悉稱職郝通志後去任家居十餘載絕跡  
公門享年八十賈志祀鄉賢

吳誠字明卿大攝人性敏嗜學領正德己卯鄉薦  
初授柳城教諭督學重之檄掌八桂書院修柳  
城志遷贛州教授修都臺志擢知龍南釐夙弊

瓊山縣志 卷二十四

人物 二十四

釋士人馮堯寃獄流賊為患誠躬撫諭賊魁謝  
鉞李鑑皆感泣而去尋討平沙頭賊徐守沐一  
方賴之致政家居絕跡城市嘗參酌藍田鄉約  
率鄉人月朔舉行當道造廬禮焉誠少孤有姑  
適舉人李明年二十四孀居撫誠比姑卒誠服  
衰三年人兩義之郭通志每遇者妣忌辰哀痛竟  
日娣年八十迎養於家歿葬從厚所著雁峯集

百餘卷牛志祀鄉賢

余宗梁阮志字景山前所人正德己卯鄉薦嘉靖  
丙戌進士博極羣書而性方直知新昌縣為政  
嚴毅而濟之以寬遇歲大祲設法施賑民賴全



活者數萬有搶掠為盜者勸諭歸農民怙恃如  
父母又毀浮圖立社學旌孝節治行為一時最  
擢南京刑部主事歷郎中獻議惟平有豪貴囑  
重入者正色卻之常俸所入皆以奉母恤弟不  
入私囊及卒妻孥不能自給侍郎鍾芳重之為  
紀其行以傳焉

黃通志 祀鄉賢

黃顯字仁叔下東岸人嘉靖壬午鄉薦辛丑進士  
授刑部主事治獄多所平反抵中貴呂洪贓罪  
雪總兵沈希儀誣誤皆不為當軸屈出守撫州  
罷築千金陂以蘇民困完逋數萬而刻核不及  
於下郡民立祠祀焉以憂歸

郭通志 補池州池故

瓊山縣志 卷三十四

人物

三十五

饒山澤利顯益謹身率下不少徇私狼兵自湖  
趨浙所過殘暴顯以智服其帥而厚犒之迄不  
為害

郝通志

尋擢湖廣副使時嚴嵩方用事遂乞  
休卒祀鄉賢

黃宏宇字震祥下東岸人顯長子少受學於尙書  
霍韜年十七舉嘉靖庚子順天鄉試登己未進  
士授戶部主事督運昌密陳五難三便監兌南  
都復以水災備陳損上益下用一緩二之義民  
困獲甦

郭通志

出守武昌作政約論僚屬一意廉  
靜楚藩以事餽黃金百兩不受景王歸楚使人  
以禮論中官復下令曰護軍敢譁吾境者執之



既過卒無敢譁者凡興利革弊恤獄賑饑俱有聲入覲首舉卓異尋擢四川副使歷浙江參政以憂歸牛志祀鄉賢

黃宏憲字賁祥下東岸人顯次子嘉靖乙卯舉於

鄉令南康著古制以自檢約建六議以正民風

懸鉦告奸設匭稽弊郭通志有葉楷者顛湖巨寇

宏憲條可捕治狀撫院江一麟允行之檄鄉民

勦其巢穴江為具奏加五品俸服調知安遠以

憂未任牛志起補懷集捕魚峒鹿馬諸寇有功撫

按交薦未幾卒郭通志祀鄉賢

廖士衡字平卿性剛方動遵矩矱領嘉靖乙酉鄉

瓊山縣志 卷二十四

人物

二十六

薦知德化判南寧所至有政聲致仕家居雅存

古道年八十卒祀德化名宦郝通志祀鄉賢

陳天然字汝仲東廂人孝友溫惠有雅量登嘉靖

戊子鄉薦乙未進士授戶部主事兩督倉儲監

鈔九江俱以廉節著歷陞鎮江府知府適遇荒

旱而洲灘虛稅為民累天然至輒為蠲減江寇

猖獗厲兵備禦郡賴以安故事需用科派里甲

天然盡革之為置公田租入取辦捐俸立學田

賑貧士李儁冉信等例監曹大章闡文限於格

天然器之力為薦拔連魁南宮廣大僉憲劉絃

齋表入賀中途邁危疾極力調護後卒為殯殮



歸其櫬居官性狷介不能俯仰要路改知永州府丁內艱歸家居親賢下士詩酒自適兄弟故舊貧乏者必周貸無靳至焚雷蕭各券拜祭師墓卓有古風所著有自新遺稿祀鄉賢牛志

鄭廷鵠字元侍西廂人少警敏從塾師海貞範學

宏博辨麗海奇之妻以女登嘉靖戊子鄉薦戊

戌進士第三授工部主事阮通志調儀制郎尋陞

吏科給事中晉工科左給事會京師地震上便

宜四事一黃花鎮古北口朝河川爲京師後門

宜遣官築關城增水壘一貴州地連三藩權不

統一宜設總督置一控三於法便且省費一京

瓊山縣志

卷十四

人物

二十七

師草場等處督理者率歲遷因以滋弊請限三

年一蘇松等郡財賦所滙請設參藩董其責成

俱關宗社至計所畫策類爲國家建長利嘉靖

庚戌大計吏疏督手出以公正稱徐中行撰傳是年

分校禮闈一時出門下者皆海內名士張文毅

公服其有人倫之鑒牛志擢江西督學副使廉公

有威裁抑僥倖嘗修白鹿洞志增置書院田尋

遷江西參政以母老乞歸築室石湖著書自娛

累薦不起所著有藿膾集瓊志藁易禮春秋說

蘭省掖垣學臺石湖等集若干卷祀鄉賢郭通志

許益光字可大嘉靖戊子舉於鄉孝友天植讓產



於兒捐其妻粧送資賄以嫁兒女計偕逆旅殞  
友林儀薦人多其義知湖廣瀏陽縣冰蘖自持  
以丈勘民田積勞而卒民哀如喪考妣祀名宦  
郝通 祀鄉賢孫應斗領萬厯壬子鄉薦官至戶  
部主事 阮通

李應和字仲節嘉靖戊子鄉薦授臨海教諭陞徽  
州教授尋署府篆賑饑條上數事皆採時良策  
擢南監助教以老乞歸所著有讀書抄木齋集

郝通 祀鄉賢

海瑞字汝賢一字國開號剛峯左所人先世隸籍  
番禺洪武十六年有答兒者從軍海南著姓瓊

瓊山縣志 卷二十四

人物

二十九

山不數傳族氏蕃衍至寬領鄉薦知閩中縣事  
即其大父寬子廩生瀚即其父瑞生而秀挺稍  
知識直欲學聖賢 梁雲龍撰傳 四歲而孤母謝氏矢  
志訓之自為諸生時即抱當世之慮 郝通 居室

閩人所易忽瑞獨謂此正君子造端之道位內  
位外節己型家一切男女僕役至老死不踰梱  
闕相往來伯仲姻婭肅雍坐立跪拜惟禮其論  
文則曰不過如畫師之寫神耳窮一生讀書作  
文於國家身心毫無補益何異宋人所謂可惜  
一生心用在五字上乎故瑞之用心匪特恥為  
聲詩即古今文辭惟以闡發性靈而止不稟古



則而自成一家嘉靖丙午督學林某廉其行誼  
大加獎賞適出婦某訟瑞且誣裝資林某詰問  
以出妻令其可嫁對至所誣裝俱不辯惟貸償  
而已林益重之亡酉督學蔡某試題有不白白  
乎之句手瑞卷珍翫移時因詢瑞隱事嘆曰茲  
所謂涅而不緇者耶梁撰是年舉鄉試所對治  
黎策甚詳明年入都復伏闕上平黎疏俱見海  
大畧以開十字路置屯屯田選官興學爲務  
時以疏下兵部議而事竟寢阮通志癸丑授南平  
教諭揭申棖剛者之辨鄉原忠信廉潔之似古  
人不見諸侯之守以廣厲學士其參謁上官執

瓊山縣志 卷二十四

人物

二十九

憲綱抗師儒禮督學朱衡重之檄掌書院郝通志

御史詰學官屬吏咸伏謁瑞獨長揖曰臺謁當  
以屬吏此堂師長教士地不當屈明史本傳抗顏南

平四年如一日守相臺察咸交稱之擢知淳安

縣事履境睹痛苦萬狀用是申飭所行事宜由

縣而丞而尉而備儒而里老而生員而吏胥著

爲令曰淳安政事其自奉也俸薪外絲毫不侵

撫按出例陰遺其吏書無則禍至瑞曰充軍死

罪甘受安可爲此穿窬舉動外官入京有交際

謂做官不得不如是瑞曰盡天下而不爲上官

之賂豈盡不遷又盡天下而惟上官之賂豈盡



不黜安可身居下流也梁雲龍布袍脫粟令老

僕藝蔬自給總督胡宗憲嘗語人曰昨聞海令

為母壽市肉二斤矣宗憲子過淳安怒驛吏倒

懸之瑞曰曩胡公按部令所過無供張今其行

裝威必非胡公子發囊金數千納之庫馳告宗

憲宗憲無以罪嚴嵩黨都御史鄔懋卿經理八

省鹺政諸縣供張甚威到淳安瑞抗言邑小不

容車馬供具簡約且按其生事者懋卿恚甚然

素聞瑞名為斂威去時瑞已擢嘉興通判鄔因

囑巡鹽御史袁淳誣以他事謫興國州判久之

陸光祖為文選擇戶部主事時世宗享國日久

瓊山縣志 卷三十四

人物

二十

不視朝深居西苑專意齋醮督撫大史爭上符

瑞禮官輒表賀廷臣自楊最楊爵得罪後無敢

言時政者四十五年二月瑞獨抗疏陳十事皆

人所不敢言者疏見藝文帝得疏大怒抵之地顧左

右曰趣執之無使遁宦者黃錦在側曰此人素

有癡名聞上疏時自知觸忤當死市一棺訣妻

子待罪於朝僮僕亦奔散無留者是不遁也帝

默然少頃復取再三讀之為感動太息留中者

數月嘗曰此人可方比干第朕非紂耳會帝有

疾煩懣不樂召閣臣徐階議內禪因曰海瑞言

俱是朕今久病安能視事又曰朕不自謹惜致



此疾困使朕能出御便殿豈受此人詭言耶遂  
逮瑞下詔獄究主使者尋移刑部論死獄上仍  
留中戶部司務何以尙疏請釋之帝命錦衣衛  
杖詵越二月帝崩穆宗立乃獲釋帝初崩外廷  
多未知提牢主事聞狀以瑞且見用設酒饌款  
之瑞自疑當赴西市恣飲噉不顧主事因附耳  
語曰官車適晏駕先生今卽出大用矣瑞曰信  
然乎卽大慟盡嘔出所飲食隕絕於地終夜哭  
不絕聲旣釋復故官俄改兵部擢尙寶丞調大  
理隆慶元年徐階爲御史齊康所劾瑞言階事  
先帝無能救神仙土木之誤畏威保位誠亦有

之然自執政以來憂勤國事休休有容有足多  
者康乃甘心鷹犬搏噬善類其罪又浮於高拱  
人證其言歷兩京左右通政三年己巳夏以有  
僉都御史巡撫應天十府屬吏憚其威墨吏多  
自免去有勢家朱丹其門聞瑞至黜之中人監  
織造者爲斂輿從明吳淞江久淤爲陸而常熟  
白茅滄河道日湮瑞疏濬之身乘小舟督畚鍤  
不期月皆成民忘其勞並活饑民數十萬賈志素  
疾大戶兼井力推豪強撫窮弱貧民田入於富  
室者率奪還之下令飈發凌厲所司惴惴奉行  
豪有力者至竄他鄉以避由是怨頗與都給事



申舒化論瑞不達政體宜以南京清秩處之帝  
猶優詔獎瑞已而給事中戴鳳翔劾瑞沽名亂  
政遂改督南京糧儲瑞撫吳甫半歲銳意興葺  
民賴其利小民間當去號泣載道家繪像祀之  
將履新任會高拱掌吏部素銜瑞并其職於南  
京戶部瑞遂謝病歸家居十五年前後薦者不  
下十餘疏萬歷初張居正當國亦不樂瑞會巡  
按御史廉察之御史至山中視瑞設雞黍相對  
食居舍蕭然御史嘆息去居正憚瑞峭直中外  
交薦卒不召十二年冬吏部擬用左通政帝雅  
重瑞名畀以前職明年正月召爲南京右僉都

瓊山縣志

卷二十四

人物

三十一

御史改南京吏部右侍郎瑞年已七十二矣疏  
言衰老垂死願比古人尸諫之義大畧謂陛下  
勵精圖治而治化不臻者貪吏之刑輕也諸臣  
莫能言其故反借待士有禮之說交口而文其  
非夫待士有禮而民則何罪哉因舉太祖剝皮  
囊草及洪武三十年定律枉法八十貫論絞謂  
今當用此懲貪其他規切時政語極剴切獨勸  
帝嚴刑時議以爲非御史梅鵬祚劾之帝雖以  
瑞言爲過然察其誠爲奪鵬祚俸帝屢欲召用  
瑞執政陰阻之乃以爲南京右都御史諸司素  
媮惰瑞以身矯之有御史偶陳戲樂欲遵太祖



法予之杖百司懾恐多思苦之

明議革有司諸

冗役冗費程言軍民利病時御史房寰督學南

畿物議沸騰恐瑞糾擿欲先發

牛給事中鍾宇

淳復愆愆寰再上疏詆瑞

明觀政進士諸壽賢

顧允成彭遵古抗疏畧言寰妬賢醜正不復知

人間羞恥事臣等自幼讀書卽知慕瑞以為當

代偉人寰大肆貪污聞瑞之風宜愧且死反敢

造言逞誣臣等所為痛心因劾其欺罔七罪始

寘疏出朝野多切齒而政府庇之但擬旨譙讓

明史顧瑞亦屢疏乞休慰留不允十五年丁亥

允成傳瑞亦屢疏乞休慰留不允十五年丁亥冬卒於留都

阮通志

年七十三瑞無子卒時僉都

瓊山縣志 卷二 人物

人物

三十三

御史王用汲入視葛幃傲籬有寒士所不堪者

因泣下醵金為歛小民罷市喪出江上白衣冠

送者夾岸酹而哭者百里不絕贈太子太保賜

祭葬諡忠介瑞為學以剛為主因自號剛峯天

下稱剛峯先生嘗言欲天下治安必行井田之

法必不得已而限田又不得已而均稅尙可存

古人遺意故自為知縣以至巡撫所至力行清

丈頒一條鞭法意至於利民

明海瑞秉剛勁之

性戇直自遂蓋可希風漢汲黯宋包拯苦節自

厲誠為人所難能

明史雖官歷六卿編茅自處

環堵蕭然俸祿所入自給外悉以周族屬之貧



者然子姓稍有不戢必鳴之官未嘗假借尙書  
姜寶謂瑞天下奇男子志節兼狂狷云所著有  
備忘集淳安政事稿行世郝通志平日雖不以文  
名而所作勁氣直達侃侃而談有凜然不可犯  
之概當嘉隆間士氣頹茶之際切墨引繩振頑  
醒瞶誠亦救時之藥石也滌穢解結非大黃芒  
硝不能取效未可以其峻厲疑也欽定四庫全書備忘

集提 祀鄉賢

蔣蒙字養正阮通志作字山泉左所人與海瑞相友善嘉

靖間由歲貢任靈山訓導陞建寧教諭兩任俸  
餘俱買田以給貧生署靈山縣事寇臨城率兵

瓊山縣志 卷二十四

人物 三十四

捍禦境賴保全靈人建生祠牛志任建陽教諭性

節儉食僅脫粟衣做不堪所入俸錢悉以周貧  
乏給喪葬卒於官篋無餘貲喪不能歸聞者悼

之阮通志

陳思誠字伯孚少遊郡庠性孝友恂恂雅飭嘗師

湛甘泉講明正學論宣城知安義兢兢能業其  
官解綬家居儼然儒林風度當道陳雅造廬禮

之鄉人有遺金請托者亟麾之曰鬼神共鑒意

念難欺賈志

楊應辰字德良禎之姪中所人由貢授梧州訓導

陞柳城教諭居官清慎致仕家居孝友事病姑



如母撫遺姪猶子養寡嫂終身且厚塋之有司  
屢舉大賓不就卒海忠介銘其墓志

劉裁正字伯博茂人領嘉靖戊午鄉薦天性孝  
友居家貲財不私與人交常推心置腹未仕而

卒賈志祀鄉賢

王汝為字子宣大攝人賦性剛方學稱博洽嘉靖

辛酉鄉薦為貴縣教諭有蘇湖風丙子充貴州

鄉試同考官陞鄱陽縣令勵精為治勤恤民隱

竟以正益難容乞歸囊橐如洗性尤友愛厚事

兄嫂捐貲贖弟於難里巷稱之詩文力追古雅

有尋懷集存塾稿撫弦餘韻郝通志祀鄉賢

瓊山縣志卷二十四

人物 三五

王時元字遇春逸士用之子樸茂謙恭篤志力學

嘉靖甲子鄉薦知楚之東安縣察覈鹽艘剔除

陋例遷判常德冰蘖益厲冤獄久不決者立洗

之歲饑賑粥存活數千人丁母憂歸不受一餞

歲餘卒所著有四禮集童訓郝通志祀鄉賢

陳大有興義人家貧篤學古樸端方由歲貢領嘉

靖甲子鄉薦令常山草去陋規涖民有善政至

今常山人稱之郝通志有生祠祭田同聲錄祀名

宦祀鄉賢牛志

梁雲龍字會可梁陳人家貧篤學領嘉靖甲子鄉

薦萬歷癸未進士授兵部武庫司主事戊子典



試貴州所取多名士兵部尚書鄭洛經畧臨洮  
雲龍贊畫建言絕甘涼假道以扼川海之吭果  
奏奇捷晉副使治兵井陘旋調天津天津故京  
師咽喉倭侵朝鮮勢甚猖獗有增設邊防之議  
雲龍持議以為宜勅將帥固守罷敵臺陷阱諸  
費所省數十萬進參政治兵開原巨寇繫頸受  
成功著紀錄調隴右分守備兵莊浪會土營魯  
氏橫恣不法奪其營務遂申蜚語以參政聽調  
遵例候代尙從大司馬經畧兩河松山之役恢  
復允吾一帶故地七百餘里無何解任抵家以  
叙前後邊功復原任進荆南布政使以征苗功

瓊山縣志

卷二十四

人物

三十六

荷褒獎晉一品俸

郝通志

楚藩變起就陞湖廣巡

撫孽畫楚事親藩愍蕙益蕙等五人  
有罪擬置大辟時論難之上從其議

牛志

遂竟於獄丙午卒

於官贈兵部左侍郎賜祭葬祀鄉賢

阮通志

子思

秦下別有傳

郝通志

陳傅嘉蒼原人孝友樂施以歲貢赴京殯亡友於  
途而資其僕歸司訓詔安捐俸助貧生時倭寇  
犯城令僕善弓矢者射殺數賊寇退詔安令欲  
上其功力止之未幾告休祀詔安縣名宦後祀

鄉賢

蕭志

陳大烈字允成博茂人隆慶丁卯鄉薦授處州司



訓署元龍泉二縣一塵不染丁艱起復補訓  
泉州擢武義令民立生祠因烏撒同知恬退歸  
休居家睦於邦族一味清修祀鄉賢牛志

王天麟字文瑞左所人領隆慶庚午鄉薦知顛縣  
入覲途遇李氏女鬻於陳喘號欲赴水死慨然  
以五十金贖還其母丁外艱歸卒於家阮通志祀

### 鄉賢

牛大緯字章甫號闇齋前所人萬歷己卯鄉薦令  
連城民苦浮糧爲累歲輸千餘金大緯力請得  
蠲其半捐俸賑荒民賴全活去日治裝惟圖書  
數卷而已民立祠祀之陞邛州知州阮通志

## 瓊山縣志

### 卷二十四

#### 人物

三七

許子偉字用一孤貧力學登萬歷壬午鄉薦丙戌  
進士授行人尋擢兵科給事中轉吏科右給事抗  
顏諫諍直聲大著創瓊州會館於京師鄉紳羈  
旅稱便告病歸籍假滿補戶科右給事中以彈  
劾權貴忤旨謫銅仁府經歷遂歸養母凡戚里  
貧乏多所賑給值黎寇猖獗貽書當事請勦之  
內使開採珠船科派瓊珠役以萬斛子偉力言  
得減其數置義學於儋耳開敦仁書院於郡中  
建明昌塔以培文風中外疏薦起用未報卒賜  
謚忠直建坊著有諫垣錄廣易通敦仁編鄉人  
請祀於明昌塔以配邱海今祀鄉賢郝通志



陳應龍字時見東廂人天性孝友父嘗犯罪應龍哀鳴願以身代當事憐釋之家貧舌耕門生楊瑾自海北來受業病死捐棺爲之殯領萬歷壬午鄉薦判嘉興督理織造一洗舊例以不逢時

罷歸 鄉通志 祀鄉賢

何其義字乃仕梁老人少英穎萬歷甲午鄉薦辛丑進士知政和縣剔蠹釐奸捐俸募建學宮以異等調繁上杭冰蘖自矢杭人尸祝之內艱起復擢戶部主事司太倉草一切浮羨陋規與許子偉捐貲創瓊南會館以便瓊之赴京者王子督儲通州卒於署

既通志 祀鄉賢

瓊山縣志 卷二十四

人物 三十八

潘之楫號寰瀛西廂二人天性篤孝生甫週歲母陳孀居撫之長出就傅母每留餘食啖之之楫見笑無烟知母未食忍殮半以奉母母臉下紡織之楫取師所授書就餘光而讀才名甚著登萬歷甲午賢書戊戌上公車向母泣曰楫以母苦節未揚親恩未報故爲此萬里之行不則安忍離膝下乎是歲會試乙榜歷任善化縣著賢聲赴闕陳情賜建坊以表母節焉祀鄉賢

牛志

黃壽之下東岸人宏宇子由萬歷丁酉舉人知漸

江景寧縣爲海忠介壻清廉節愛綽有婦翁之風時民散田荒官民交困申請丈量合邑安堵



陞處州府同知後致仕歸

阮通志

陳邦禎

蕭志作正

字德興博茂人少失怙恃依戚黨以

成立苦志篤學有鄰女挑之峻詞固拒不減譽

男子風以歲薦訓高涼郡守李序嘉其行誼督

學支簡亭羨其藝文譽滿士林官六載囊橐蕭

然牛志祀鄉賢

謝應華歲貢生下東岸人事親甚孝有弟被掠傾

產贖之司訓天台旋諭詔安教授南雄皆有蘇

湖遺範食貧訓子子龍文發名成業鄉里稱之

郝志

祀鄉賢龍文字喬東萬歷戊午鄉薦崇禎

戊辰進士知豐城縣廉潔自持百廢俱舉有政

瓊山縣志

卷三十四

人物

三十九

聲阮通志

張希堯號元溪東廂人萬歷癸卯亞魁讀書明道

賦性端嚴恒以修己治人為務謁選值同籍為

郎語之曰此來可得美官臆曰有命存焉絕無

纖芥營謀任廣西羅城知縣官囊蕭然樂育所

就率多名彥迨優遊初服遠近負笈執經者踵

相接也所居堂曰四畝謂松有花而畝香竹有

葉而畝花梅有香而畝葉渠以一畝老於三畝

之間云狷潔天成言笑不苟仲子洪字允湛領

天啟辛酉鄉薦嘗親朋宴集座侍青樓歸輒厲

色訶戒曰若婢子我輩安可並席又或家僕博



奕相戲堯督洪令跪責以禮法不謹詎能型家  
其古道多類此迄今兒童走卒皆知元溪先生

焉牛志

邱爾懿號秉初西廂人登萬歷己酉賢書卽丙午

鄉薦爾穀胞弟係文莊七代孫任江西贛縣知

縣居官廉介吏畏民懷兄弟允稱二難惇睦燕

貽公庭罕跡牛志

蔡廷椿字一卿遵都人仕儲子七歲失怙哀毀骨

立由陵水歲貢任霍邱丞歸棗蕭然居鄉課子

弟捐田四十畝供膏火鄉族有不善者惟恐其

知之子希皋狷慤好修士論賢之孫光前歲貢

瓊山縣志 卷二十四

人物

罕

生能繼祖父志蕭志

吳鉉鍾號惺一那邕人萬歷戊午科舉人博學宏

才筮仕湖廣均州知州視民如子值流寇攻州

捍禦半年檄召援兵危疆賴靖比歸家無餘積

恬如也牛志

梁思泰梁陳人雲龍子由恩廕入太學登天啟順

天副榜判湖廣荊州陞貴陽府同知奉差督餉

征黔寇義激捐軀崇禎十四年承旨贈官諡忠

烈賜祭墓建坊立祠祀鄉賢廕子燮鼎入太學

牛志

張紹美官隆人父號事軒以戴禮冠東粵因授禮



焉童誦輒通大意十七補郡弟子員藉藉有聲  
居家孝友食餼郡庠居貢前一月而卒時論傷  
之具詞追稱遺行郡守黃公督學商公考錄實  
蹟特賜孝行崇祀鄉賢牛志

唐濂伯東廂人隨父虔任閩中歸負雋名楊僉憲  
稱為嶺南秀士無雙省試與潮士許仁齊名景  
泰癸酉榜發解許亞之未會試卒三佐題其墓  
曰他時若問田邊墓五嶺南來第一人牛志

王斌邕陽人由府貢選湖廣龍陽縣丞陞武陵知  
縣多善政初龍陽民歌曰王父母築圍堤民樂  
利我無機嗣武陵民又歌曰王公政化公民家

瓊山縣志

卷二十四

人物

四

無怨庭無寃萬歷十二年祀龍陽名宦

採訪

陳鱗字克紹蒼原人父經宣德乙卯舉人授灌陽  
訓導鱗童年稱異貢赴廷試立雪邱文莊公門  
寮家燕集分韻賦詩鱗輒先成成卽膾炙人口  
靡不磬折劉公健謝公遷王公鏊因咏梅詩擊  
節獎賞稱為吾輩畏友成化丙午顧鄉薦宏治  
癸丑成進士選庶常文莊公為作存笥語序嘗  
云政府一片席終非異人任其期望者大也鱗  
著論以為文章經國在國初則有劉伯溫宋景  
濂王子充方正學永宣則有解大神胡光大楊  
文貞在正統則有李文忠劉文安皆麗藻豐腴



未有明體適用酌古準今斐然如邱仲深先生者廖學士道南極贊以為知言年五十餘乞歸葬親卒於粵省所著有唾餘稿藏家

集邱文莊公唾餘稿

並陳祖功續序

周賓字廷重號懶齋東洋員山人祖昇以禮經領正統甲子鄉薦戊辰甲乙榜辭不就職時與文莊公友善善慰留之卒業太學賓弱冠登成化丙午鄉薦春闈中明通榜進士頌亡友於京師授曲江訓導曲江近少科第賓以禮經授鄧元唐鳳篤意栽培鄧唐相繼發魁士林翕然尊之丁母艱起改補三河學三月擢廣西桂林府推官

瓊山縣志

卷二十四

人物

聖

明慎清勤帶管倉糧一年積羨餘米千餘石悉歸之官上官交章旌獎尋陞武昌府通判益自飭勵夙譽隆洽武昌民德之立生祠以祀

林士元墓

銘乞歸吟咏自適絕跡公庭年八十一卒祀桂

林名宦

宗本墓表

子管邑庠生孝友慎密孫澍郡廩

生博涉琴書名噪庠序

採訪

陳憲左所人庠生博覽好學構書舍於川南咏讀

自適事繼母以孝稱居鄉勸人為善有王彥方

風

賈志

郡四舉鄉賓值指陳道基旌之日年高有

德給米粟以示存問

志

享年七十有六

宏治甲子鄉式任崇安教諭子申道樂與經訓



歸善陞岷府教授志

蔡廷相字仲揆又字元弼號石潭壘村人性孝友

聰明由邑廩領嘉靖甲午鄉薦授廣西梧州府

藤縣令丁內外艱起復赴京掌丙辰會試謄錄

事竣補授福建延平府南平縣令剔蠱振弊歲

賦催科造蝴蝶票民安而不擾寇變倭警饑饉

並至謀濟兵荒調度奔走身當而不憚勞才猷

練達見知余道委編順昌等徭役審覈通明六

邑稱平士民鐫石碑祀名宦尚書鍾陽馬公為

作森表記子時行字仲吾以邑廩領萬曆辛卯

鄉薦克承父志孫蘇歲貢生任番禺訓導陞永

瓊山縣志

卷三十四

人物

四三

寧學正教訓有方壽八十九曾孫一德字爾端

號石麟崇禎丙子舉人庚辰進士上表稱青將

大用而卒第一賜字爾開號寅谷性孝順崇禎

庚午舉人常鼎革保全宗族不仕順治甲午卒

於家訪

鄭汝喬字允昇穎悟博洽領嘉靖丁酉鄉薦從湛

甘泉講授三年歸篤志樂貧精思實踐甲辰中

乙榜以親老侍養不仕

蕭志

吳格性資謹飭有君子風匪人濫竽飲恪抗聲郡

庭賓筵肅然始訓晉庠不責生徒修贊論邑時

嚴督課程科目蒸蒸多所成就

牛志



曾應唯資稟高明範身矩度嘗構義方堂集鄉族子弟講習修身齊家大義所著有家禮存羊儀節數卷賈志

馮天與郡庠生少聰敏博覽諸書性孝友卓有藻鑑能知人於塵埃中士大夫皆重愛之牛志

陳維臣字汝弼博茂人言語必信取與不苟教弟維翰以禮經魁於鄉每以黷貨戒之撫二異母

弟極其友愛邵守周思从蒞學官首訪行誼延之登堂優以賓禮凡有裨治理者必諮焉賈志

余啟字允明庠生家貧好學聚徒受業所得學資悉與兄姊共之孤姪無依撫養不異己子與鄉

瓊山縣志

卷二十四

人物

四

黨接恭敬不少弛郡守周思久節推徐邦佐謂其人當於古人中求之牛志

王世昇郡廩生少孤貧力學待寡嫂撫孤姪盡力維持教授於鄉海忠介稱為純篤長者賈志

陳邦猷東岸人高明縣教諭博學篤行母老謝仕歸郡主兩造廬三舉鄉賓其行誼多可式者賈志

林琅庠生質直好學喜周人急年九寸手不釋卷所著有家禮復古考正祀典道統女訓等錄牛志

鄭儒字子珍廷鵠子自髫齡多得庭訓隨父宦遊京省益長見聞淹貫經史詩文有出塵之趣由

歲貢始訓容縣歷上海連州陞廣州教授所在



卻贊勤課士多成就有竊位箴以自警棄井銘  
以訓士科貢題名以揚前烈勸來學歸老篆堂  
額曰留餘軒祀連陽名宦賈志

牛全字以成前所人郡庠生正直禔躬清高絕俗  
撫兄子不啻己出恤孤惠族義方教子晚歲食  
貧趨操益勵浩歌自得恬如也所著格言詩草  
有云念念有天隨著步行行那地不堪家胸次  
悠然有度越人者牛志

邱承箕字庭梅郡庠生大學士濬六世孫博洽經  
史篤於彝倫事嫡母菽水承歡季入廩金悉以  
奉養毫無所私推良田以給妹匱資刻文莊史

瓊山縣志

卷二十四

人物

四十五

綱學的諸編行世所著有戴記講意扶搖正言

牛志

張子翼字汝臨號事軒官隆三圖嘉湖人類悟異

常研精六藝漁獵百家弱冠登嘉靖丙午亞魁  
授武昌教諭卻贊濟貧立程課士當道以為楚

中廣文第一陞陸川知縣遷文廟以作人文濬  
新河以開風氣造敵樓以禦寇建茶亭以濟民  
陸川崇祀名宦所著有摘稿梓存於家海忠介  
為之序以子紹初官貴陽分府贈承德郎探訪

陳日新少以詩詞著名性孝友事祖母盡道恩薦  
赴省中途聞祖疾即棄貢歸事孀母順志承顏



司訓德慶有蘇湖風甘守清白牛志

馮嘉遇字載賡博聞稽古以三禮頌天啟甲子鄉

薦天資純孝篤志承歡睦族信友輕貨好義赴

南宮不利遂絕意進取當途交章推薦以不忍

離母郤之年七十五梓里尊為文獻蕭志

曾僖字光啟號雙溪西廂二水人天順間以貢遊

太學有詩名朱志

王朝隆字國昌烈樓那秫人忱姪向武判官詩文

如馮海雖無家數然信口充贍其博學多文不

亞張世王佐避庚申之亂多藉講論以慰戴通志

楊碧石所人自少工詩清響飄逸旁通真草篆隸

瓊山縣志

卷二十四

人物

四

牛志

李珊官隆人景泰癸酉舉於鄉成化丙戌進士授

行人使占城賜從一品服據墓碑

選南京福建道

御史陞廣西僉事整飭柳慶兵備詩文敏暢有

古愚集牛志

蔡齊宸字侍朝號相宅遵都人聰慧沈靜弱冠補

郡庠成化甲午領鄉薦時文莊公為大司成留

卒業太學與蔣公寬友善授江西信豐令文莊

贈行詩有七絕五首廉潔自守不阿權貴改福

建寧德令治稱仁厚卒年八十有九族姪秉乾

字惟貞號東田性行剛直正德丁卯鄉薦肄業



太學大司馬胡公重之授廣西貴縣令俗頗黠  
操縱惟存大體開誠布公奸猾畏服採訪

陳衍調塘一人年二十八始發憤登成化丁酉賢  
書肄業成均期滿送吏部上選中宏治癸丑明  
通榜除江西南康府星子令抑強扶弱政簡刑  
清有巨族查姓兄佔弟產弟儒年尙小其族人  
引之控兄私以百金不受斷歸產於弟判訖弟  
泣不去問故答云以弟控兄恐不見容衍見其  
器宇軒昂因撫爲子查隨登第選文昌令先到  
其家訪衍時衍已捐館未塋查詣棺所哭泣如  
親喪者數日爲之營塋置田七十丁爲祭田令

瓊山縣志

卷三十四

人物

文苑

聖

族中子弟應試文昌進庠者一榜九人

王濂字師周號南巖遵都人父用歲貢定遠教授  
濂領成化癸卯鄉薦諭浙江新昌遷江西新建  
卽陞新建知縣政清民和歷仕二十五年宦囊  
如洗正德辛未致仕輔國將軍朱希文作青甌  
繼世詩序福建布政司參議熊達作致仕還鄉  
詩序年九十三現詩集存於家同上

周奇健東洋人成化丙午鄉薦詩文少作作必精  
簡有趣後令靖江歸以酒自娛有晉人風致所  
餘俸置田賑族中貧乏者作保族箴以戒子孫  
參張姪宗本字立之號務齋少負奇質穎悟絕  
志



人正德甲戌進士知灤陽縣令有政績累陞工部營繕司郎中卒廣西參政林士元銘其墓採訪

首永泰東洋人篤學力行宏治乙卯舉於鄉任溫

州通判政清民和有古良吏風採訪

周世昭字景服號一陽東洋人父仲良正德己卯

亞魁世昭聰穎博洽嘉靖壬午鄉薦乙未成進

士除北京戶部貴州清吏司主事堂兄鳴皋字淑

誠嘉靖辛卯鄉薦性純學確舉動光明同上

唐冕字元瞻東廂人乾界孫幼遊郡學治舉業旁

通詩辭句多警拔叔善繼製過華清宮漂母墓

二詩責之和冕援筆立就善繼大驚曰真唐音

瓊山縣志 卷三十四

人物

四六

也趙冕有野水春草之作時爭傳誦年僅二十

而卒其和過華清宮詩云寒風吹雨雜鳴鸞日

影西沈樹色寒歌舞不來春又盡飛花無語過

欄干漂母墓詩云千金酬一飯古墓動高秋樹

色山村外江聲日夜流楚碑春露泣荆水暮鴉

愁芳草王孫路年年牧豎遊戴通志

柯呈秀德慶濱濂村人學識沉摯品行高古舉萬

厯戊午鄉試任順昌知縣有居業集牛志

夏昇郡城內人聰明特達績學敦品少失怙母孫

氏教養成立登宏治庚戌進士觀政兵部乞假

歸省往謁陳白沙先生於江門獲聞身心性命



之學白沙賦詩贈之供職兵部勤於吏事陞武庫職方郎中擢尚寶司少卿繼轉留都尋陟鴻臚寺卿丁母憂歸雅懷高潔懇請致仕加太常寺卿以寵其行未幾卒於家賜祭塋補

清

張履吉字旋九東廂人明孝子可載裔孫自幼篤學以歲薦終其身士論惜之胸無城府足不履長吏庭教授南湖一遵朱子學的及門多髦士康熙四十五年郡伯賈公聘修郡志極見推重授靈山司訓卒年八十四所著有南湖稿藏於

家參蕭志

人物

甲九

瓊山縣志

卷二十四

馮侯字次公號潛亭興義人拔貢博學篤行高尚其志隱南湖陶山間士大夫咸推重之誨訓生徒門多名宿嘗遊萬州著有東山備史湖山合稿鹿溪草竹泚吟等集邑令茹鉉旌匾曰文節著英志

林儲英字子千大林人自少英異家貧苦學博涉經史康熙己卯鄉薦沉酣於古文詞翰之間生平規行矩步嘖笑不苟非公事不至公庭爲多士楷模當道延掌書院五年名雋多出其門授蒙陰令署沂州政蹟卓然民德之勒諸石作宰四年清風兩袖卒年七十有七至今人猶慕其



風云參蕭志

蕭元長字乾初石山人歲貢斯美子幼聰明能文  
由歲貢領康熙乙酉鄉薦生平敦倫力學文行  
兼茂教授生徒多所成就有四勿居同門錄賈  
公棠聘修郡志纂輯簡明所著有選註綱鑑便  
讀藏於家為學必擇其要多類此卒年五十六

參蕭志

吳金字聲九由歲貢領乾隆癸酉鄉薦品端行粹  
博覽經史教授生徒遵白鹿洞學規瓊郡知名  
士咸出其門所著有敬齋集蕭志

吳典字國猷號學齋西廂人父位和見孝友傳典

瓊山縣志 卷二十四

人物

五十一

幼穎異嗜學讀書目數行下年十五應童子試  
輒冠其曹遂入泮乾隆乙酉受知於翁覃溪學  
使選拔貢是年舉於鄉己丑成進士改庶吉士  
授編修嘗總校中秘書與修

國史及三通館永樂大典 四庫全書書成蒙

賜內宴並賚龍尾硯白玉如意文綺諸品丁酉庚子兩  
充順天鄉試同考官甲辰分校禮闈所得皆知  
名士在京與同僚相切磋以學行為當道所推  
都中邀眾醜金創建瓊州館於靈申坊大外郎  
營為瓊人士棲息之所典自為記見藝文丁外艱  
歸遂不起主講瓊臺書院獎進後學重修府學



宮換以石柱監造文明樓建郡南太史橋及白沙東西等橋力襄義舉疊疊不倦年五十卒弟班字昆侯號惺齋申乾隆庚子鄉試爲人平直坦易篤於友于以弟玠夜寢苦怯與共枕被者十餘年歷署電白信宜司訓轉授翁源教諭與諸生切摩得衆士心

參張志

吳黃煥字章甫興義人萬州籍歲貢自少能文博涉經史生徒質疑者屢滿戶外賈公棠修郡志序記皆其手定爲人剛直樸訥一遵禮法卒年七十有二子宇憲孫國卿皆廩生

蕭志

張覃勳字爾厚歲貢生官隆人幼聰敏善詩文規

瓊山縣志

卷二十四

人物

五

言矩行安貧好學事繼母得其歡心撫弱弟俛克成立絕跡不履公庭誘掖後進經指授者皆有案法卒年六十四

蔡文賢字彬魯歲貢天資明慧博覽羣書能爲詩詞古文旁通星歷諸書劄議建考院生平簡默至老手不釋卷授三水司訓卒年七十九

同上

蕭璋字特玉元長子石山人雍正己酉選貢讀書力學絕意仕進不爲謀生計或勸之答曰人貴立志耳安用此阿堵爲於舍傍築小軒曰繼勿與後進講論詩文老而弗倦

蕭志

從弟宏猷增生幼失怙恃事伯父以孝聞厚實簡默鄉里咸遵



重之採訪

杜克紹字象伯號文池烈樓人十四歲入庠長益

發奮前後赴端溪書院肄業凡十二年院長曹

嶺吳延熈咸器重之選乾隆癸酉拔貢飭躬勵

行舌耕未嘗私蓄門內雍然教訓生徒日

與討論義講求聲律銓海康教諭未任卒弟

克緯郡庠生有智略舊有平糶社倉為圖中累

倡呈歸官又置產為經催之費鄉人賴之以姪

以寬欽州學正馳贈修職郎同上

鄭鎮字濬宇西廂人孝子存禮曾孫博學能文領

乾隆壬午鄉薦分發直隸攝深州授柏鄉縣乙

瓊山縣志 卷二十四

人物

五三

未丙申兩逢

車駕南巡蒙

恩賚帶珮纓幣癸卯以卓異調正定服官十餘載所

至有政聲而柏鄉人尤思慕不置晚乞歸養恬

淡以終張志

雲志達號石田下田人由拔貢充教習申乾隆壬

午順天副榜任廣寧教諭調欽州學正陞潮州

府教授湛深經術課士論文一秉先民矩矱居

官持正不阿士有屈抑者必為伸理其或不軌

於正加痛懲不少寬貸人以此畏而愛之參廉州志

堂兄志清性孝友侍親疾食不甘味志達自幼



學迄

廷試多蒙其賜卹鄉里不和者善為勸處里人欽

之採訪

王斗文字儲齋烈樓那秫村人父起歲貢生為人

醇厚古質潛心經學讀書成誦終身不忘斗文

質學純粹為文秀妍肄業瓊臺院長武林吳光

昇深器之乾隆戊子以春秋領鄉薦辛卯恩

科進士在京資助建瓊州會館於靈中坊歸卒

年三十三張志

王時宇字允修東廂人由優貢中乾隆庚寅順天

鄉試大挑授饒平訓導以嫡母老告歸比銓縣

瓊山縣志

卷二十四

人物

五十三

令復以生母老改就國子學正遂不出至瓊臺

講席多所成就嘗纂修郡志手校白玉蟾集蘇

長公海外集瓊臺詩話裨海摘要諸書子文藻

孫元階俱拔貢

王之藩字价伯永都人天性超邁讀書飲酒自忘

其貧經史中得其精液而棄其糟粕為文提要

鉤元乾隆甲午登賢書戊戌會試房薦不第將

南歸房師相國朱文正公贈以資斧勉留京邸

庚子成進士任韶州府學教授日與諸生論文

講義卒於任士林慟焉子孚若歲貢生篤古能

文張方伯岳崧深愛之



馮珍字錫爾號福塘蘇二圖美帖村人由歲貢

中乾隆己亥

恩科順天鄉式少嗜學老而彌篤尤精於易北學京師主講直隸柏鄉書院四載成就多名士丁母憂廬墓三年晚年選翁源學訓導不赴以授徒為業從遊者多掇巍科著有易經釋要四書講義會約小鑑家禮合編編修吳典有序子漸充四庫臚錄館授湖南益陽縣丞調補麻陽縣丞陞永順州知州銜採訪李琦字行超號卓齋東岸人幼嗜學工文詞書法乾隆庚子舉於鄉甲辰成進士朝考第三授

瓊山縣志

卷二十四

人物

五

國子監學正改銓河南桐柏知縣值川楚教匪滋事團練民壯保境賊猝至馳赴南陽鎮請兵協同守禦賊退境賴安全調赴大營督糧餉上憲請敘軍功及歸任查辦災賑勞瘁備至士民德之年五十卒於官宦囊如洗邑人醵資扶柩以歸

陳琮字達權興義人敏悟好學為文有理致九赴

秋闈屢蹶愈厲乾隆丙午魁鄉薦丁未聯捷進士選授陝西淳化知縣邑故磽瘠習尚樸野與

民安之以不能屈意上官遂告歸同上

符家麟字書圃西廂人性渾厚學問淹貫學使李



贊菴稱爲瓊南得二士與李琦齊名親疾禱以身代及沒茹素三年由

恩貢任保昌從化教諭調欽州學正加意作人士風不派所至咸思慕之參廉州志子顯鐸職按照顯欽歲貢生

符元禮字敬興號立齋演順圖瑤城人祖士璉廩貢生博涉經史授生徒不責脩脯好義樂施人以爲有隱德元禮領乾隆癸卯鄉薦有甘姓田爲通縣收米票費歲久胥吏復取陋規禮力控出爲賓興田皮池在西門外傷郡城地脈禮與眾紳控於官官以古聖不言形家詰禮曰書言

瓊山縣志

卷二十四

人物

五十五

澗水東瀝水西詩言相陰陽觀流泉何謂不言官無以答因徙郡城北自後科甲遂盛選福建泉州府安溪縣引見後卒於京邸子瑞歲貢生孫會開廩生會選庠生

王承烈字昭甫號揚齋西廂人自少聰雋博學能文弱冠歲試補郡庠科試第一食廩鯨王巡道錦試觀風賦讀衍義補有懷丘文莊公詩百韻有海外清才之目嘉慶辛酉舉於鄉文品純粹一如其人主講雁峰十餘年以氣節文章課士與諸生論學經義漢宋兼通擇善以從期其發明大義史學洞悉古今治術學術盛衰得失之故尤以世道人心



驗世運之變遷理學恪守程朱舉唐宋元明諸儒  
學派考其流別而以躬行實踐為歸文學由漢魏  
六朝三唐兩宋以及元明近代諸大家詩文集無  
不博覽知其宗法所在洋洋數千言學者奉為指  
南見編初周道鳴鑿喻道溥前後延請主瓊臺講  
席遠近從遊多被教澤鄉會所舉之士咸出其門  
如韓錦雲連捷南宮明館選為名御史膺封疆重  
任皆識自弱冠時以為知人性廉介家居府治足  
不履公門郡邑公舉如改建雁峰社學為書院躬  
任其勞置賓興田產六莊皆親經畫計規久遠道  
光初年舉孝廉方正著綸堂集四卷弟天祐拔貢

瓊山縣志

卷二十四

人物

五

以才幹稱創建雁峰瓊臺兩書院皆其經理子廷  
傳拔貢孫沂暄增貢有傳曾孫國憲優貢

杜以寬字縉卿號粟莊烈樓人父克純潛靜好學  
篤實敦倫常讀程子四箴以自省以寬剛方負  
氣見必行言必信聰穎博涉經典嘉慶庚午膺  
鄉薦授廣寧教諭調欽州學正修州志送費金  
不收與諸生講論最洽設牌於書院祀之俸滿  
回與張方伯岳崧修郡文廟及府志工竣復任  
番禺訓導擢肇慶教授未任卒年七十五同

周景字仰山號肖溪東洋員山人孝友其都孫性  
剛方學問淹博為文氣格道上以易經登康熙



乙西亞魁前纂修縣志

採訪

謝寶字紫樹海口人康熙戊子舉於鄉雍正甲辰

進士天資高曠不拘小節任肇慶府學教授與

當道議論不合棄官歸精形家言有人偷鑿設

教瓊文間後學多所成就如文昌進士張日昫

瓊山孝廉馮瀧皆預為賞識藻鑑不爽

蕭志

王凝機號問溪那邕人康熙間歲貢品端行潔善

詩文工草書邑乘殘缺獨有志修明搜討編輯

多出其手年八十餘方瞳皓髯吟咏不輟飄飄

有出塵之概

同上

周政府府志字敘九遵都人家貧力學博洽羣書

瓊山縣志

卷二十四

人物

五七

資性高朗為文取法先正康熙丁酉登賢書卒

年四十餘士林惜之子永祚廩生永祥增廣生

陳毓法字騰川號蛟門調塘一都皇瀛村人勤學

好問博洽多能兼曉岐黃領乾隆壬申 恩科

鄉薦學以心得為主教人有法多所成就發科

者踵相接選陝西懷遠令吏服民懷歷署隴州

同知鄜州知州靖陽鹺務所至有政聲後改補

潮陽學卒於任宦囊蕭然著有秦中雜吟詩集

前令懷遠時有賣姓兄估弟產判歸弟并撫養

之後第第選定安令法卒到家盡禮以艱去託

文昌令李友枚到家卜葬一如其遠祖陳衍事

周其焜字口明郡廩生員山人博學通經眾推宿



儒王講尙友書院爲多士楷模門多髦士人欽仰之

吳榮光字被宇大林都人邑廩生博學篤行教人有法諄諄不倦從遊者多名士壽七十七子瑋廩膳生曾孫壯猷虎門中軍參府陞海口協別詳義勇傳採訪

林淇菴字汝漪增生性孤介不慕榮利爲文峭刻不趨時尚工詩善書嘗於浮粟泉泥塗中獲石刻東坡像奉置於坡公祠常好遊名勝有高士

風蕭志

黃光祖字繩其歲貢遵都人少力學手不釋卷爲

瓊山縣志

卷三十四

人物

五

文精簡有趣鄉試屢薦不售教授生徒必根柢於經多所成就甲午瓊山中雋者三俱出其門子金華字勳猷乾隆戊申舉於鄉砥礪品學淡泊自甘有能人所不能者人服其難

吳魁朝字爵一雷虎人父啟賢字秀峯寬和正直樂善好義魁朝博覽羣書好學不倦品行嚴峻爲文思深力厚尤工楷法由廩貢赴國子監肄業充三通館膳錄官乾隆甲午舉於鄉弟魁仕字星垣恩貢生渾厚篤實少穎悟潛心經史爲文一秉先民矩矱粵秀山長馮梅溪深器之選惠來學未赴任卒壽七十八朝孫爲經邑庠仕



子以誨邑庠以識例貢以誠按察司照磨  
黃兆炳烈樓人性質穎異品行端純乾隆丁酉領  
鄉薦主司奇其文再三贊賞家貧舌耕筆織爲  
業無他營求晏如也

林文煥字章甫號炯齋歲貢生嚴正而寬厚率性  
任真到老手不釋卷教徒有法成就者多任保  
昌學改程鄉訓導諸生之挺出者艱於赴試必  
助之多獲雋人稱藻鑑之精庚午 欽賜舉人

旋催恩平學乙亥告歸卒年八十一

杜應清字直哉號東屏博咸人少聰明爲文清新  
俊逸由廩生領乾隆壬子鄉薦主講雁峯尙友

瓊山縣志

卷二十四

人物

五十九

二書院門多名雋晚年部文屢催不赴改國子  
監主簿爲人不拘繩尺而平坦樂易領其教者  
藹然如坐春風中同

馮定儒字學稱號東觀美帖村人祖翰士字屏侯

篤志好學弱冠食餼北學京師領乾隆辛卯順

天鄉薦文深純和雅有先正風父鳴珍字聞遠

附生卽用縣丞處家有法教子義方以孫政縮

誥贈奉直大夫湖南長沙府通判加知州銜定

儒生而穎異博涉經史畧年試輒冠軍爲文援

筆立就工詩賦提學姚文田以爲海外僅見外

業越華同輩中無不推服由優貢領嘉慶戊辰



鄉薦以子政縮詣贈奉直大夫湖南長沙府通判加知州銜採訪

曾日躋字景湯號敬亭桂林都人敦厚樸素孝友因心與人任誠率真一生無倦容好學手不釋卷博覽經史嘉慶丁卯優貢主講瓊臺知名士多出其門卒後選翁源訓導

陳韶中字和五號致堂西門街人嘉慶庚午優貢生性孝質敏博覽羣書善屬文試屢冠軍亟爲學憲陳荔峯稱賞方伯張翰山雅重之延課諸子於京邸御史張鍾彥實出其門卒後選封川

訓導採訪

瓊山縣志

卷二十四

人物

六

柯世振號春堂東廂一人賦性溫和與人無忤詩文秀雅似不經意而成嘉慶癸酉領鄉魁年三十六而卒

楊文熙字敬亭號乾菴道前街人祖信川廩生工詩賦家素貧童時從塾師學讀書倍諸童日午歸家不得食仍往塾讀師怪其來早默察每日如此方知家乏午食大奇之文熙天資穎敏爲文援筆立就名譽大噪七薦不售而志彌堅時蘇敬衡由鼎甲分巡來瓊觀風拔取第一招入署教之選兩漢雄偉博大之文以厚其氣經術深湛之文以醇其理蒼勁高古之文以潔其意渾灑流轉之文以



暢其機覃思研精深造自得爲文醇茂淵懿氣息  
古文甲辰鄉舉連捷進士名皆前列籤分雲南署  
呈貢縣事廉明勤慎卓著循聲充鄉試同考官薦  
石虎臣領鄉解所取皆知名士旋補嶠峨卒於任  
宦橐蕭然不能運柩歸籍紳民醵金塋於滇城西  
郊歲時祭之

鄭文彩號樸齋鳳樓人孤貧力學肄業雁峯院長王  
孝廉承烈一見其文刮目相待從游最久得其師  
傳選嘉慶癸酉拔貢領道光元年恩科鄉薦屢上  
春官不遇旋授海康縣教諭留心課士首重品行  
多士化之丁艱歸籍主講雁峯書院數年志在栽

培後進咸豐丙辰重修縣志舉爲總纂表章文獻  
不使佚遺孫含章廩貢生能傳家學

蔡藩字兼山號屏山遵都人質粹行純學問淵博未  
弱冠補弟子員旋受知於顧耕石學使元熙歲科  
二試俱第一稱爲遠到之器喻道溥涖任考課得  
藩卷深爲期許時至瓊臺書院講經談藝如嚴師  
之教子弟於諸生獨取藩與定安葉聯輝謂掄元  
奪魁必屬二生此科戊子秋闈揭曉聯輝果中亞  
元藩亦鄉薦以春秋藝進呈同學中者四人人服  
喻道之藻鑑焉會試屢薦不售乙未科湯海秋鵬  
爲房考官首薦藩卷大加激賞仍不遇大挑一等



以知縣用改就教職選饒平縣訓導品學爲多士  
欽式延請主講書院辭曰此鄉先生席也奚越俎  
爲人服其廉介後丁艱歸當道聘充雁峯院長適  
修縣志公舉總纂去取允當一秉至公暇則以詩  
古文詞裁成後進主講十餘年師道尊嚴人多化  
之子正瓊廩生孫榮春博學能文年十八進庠旋  
中副榜赴試京兆援例授刑部主事留京供職讀  
書文名日進輒不一遇以祖母與生母年老在堂  
歸而就養主講澄江尚友二書院其時僭臨客匪  
擾亂官軍不能治大肆劫掠蔓延燈邁金江瑞溪  
等處將及瓊之東山流民扶老攜幼奔走而來東  
山一帶地方流寄其顛連之狀哭泣之聲不忍目  
覩榮春聞悉力請官兵援救親率師旅星夜赴敵  
連戰皆捷擒渠翦猾賊匪始退不敢擾及瓊地民  
賴以安會孫慶咸廩生

瓊山縣志

卷二十四

人物

左

李向桐字琴舫道客村人父思忠庠生初成童授四  
書五經皆能成誦教以詩文出筆驚人年十五應  
童試縣知事李景沆拔冠童軍稱爲海外佳士期  
許甚殷年二十赴試羊城薦而不售留學粵秀書  
院其時陳太史鍾麟主講爲浙東名宿從學者數  
百人一經指授多發名成業者向桐初以文相質  
以衆人待之意殊未愜及觀所取前列之文皆大



名家氣息自愧弗如因勵志不惟潛研載籍不數月遂與廣屬名士相頡頏太史大爲激賞有一日千里之稱謂院中數百人勇猛精進無有如李生者決其秋闈定破壁飛去榜出果中前列年僅二十一四上春官未遇歸而主講定邑尚友書院數年裁成士子從學者衆年逾五旬始選授花縣教諭履任後當道聞其才學聘主花峯講席於課士來學者講舍幾不能容談藝論文翕然悅服花縣雖隸廣府僻在一隅風氣不比大縣自向桐講學後文風丕變春秋二榜科有其人皆門下士爲多故司鐸十八年與邦人士相得不求轉調缺分

瓊山縣志

卷二十四

人物

三

雖苦安之而已年八旬卒於任官橐蕭然其子扶襯而歸

邱對欣字鏡山祖殿章舉人官瓊州府教授占籍瓊山父將瓚舉人官電白教諭對欣由拔貢登進士會魁其時全學士慶孫學士家鼐俱以鼎甲期之因未工小楷朝考三等籤分直隸知縣初委天津督建城工委員二年城成署東光縣調補柏鄉縣潔已愛人每遇決獄誠心開導民多悔過自新公餘勤於課士柏鄉爲魏文毅講學之邦申明約言錄知統錄性理諸書爲多士法論文譚藝孜孜不倦士林咸服其教洎任九年政簡刑清士民愛戴



聞其去任請留不得督河工三年以勞績保升知府適丁內艱歸行橐蕭然惟圖書萬卷年已六旬仍以教讀爲業主講瓊臺雁峯兩書院十餘年與諸生論學上自周秦下至宋明以逮昭代無不洞悉源流舉其素所尊崇者爲法古文學歐曾駢文學唐初詩賦學唐宋諸名家出其門者爲文俱有法度卽四方請文者亦咸歸之其官柏鄉任時尚虧官款四千餘兩十餘年筆耕所存不能彌補又稱貸以完之信乎廉吏可爲而不可爲三復斯言可爲浩歎著有鏡山集

陳毓姜字尹東張吳人自少安貧力學有聲庠序屢

膺鶚薦得而復失其刻苦勵志不以未遇而稍虧其心年三十六始得廩廡次年遂舉鄉薦會試屢上春官薦而不售援例就部曹仍未能行其志決計歸家主講雁峯書院十餘年高才生多出其門成就者衆其天性孝友四歲喪母事繼母能得歡心待異母弟友愛彌篤所有地方公舉若劄賓興以惠士林邀圖甲以免徭役皆能鼎力而成身居講席非公不至偃室纂修邑志筆削莊嚴而猶嚴於取予必辦禮義不愧老成典型子廷芬歲貢署

靈山縣教諭

陳九如字富文石山人貧而好學夜讀無油焚香



照讀博通經史年十六進庠康熙丁酉選拔築書  
舍於村側開戶自精曾應鄉試擬取元因主司爭  
執不錄甲申充修縣志著勸學集採訪冊補

吳儁號梅江城內小雅巷人祖玠恩貢有傳生長詩  
禮舊家少承庭訓兼從嚴師遊敦品勵學乙酉選  
拔廷試銓選試用湖南州判尋署澧州操守廉潔  
卓著循聲淡於宦遊解組歸里凡地方公益無不  
傾囊助成其開辦珠崖義學尤身任其事當道知  
其廉能委充瓊臺書院監院家食奉公薪水不計  
蓋遵乃祖玠遺訓地方義舉無不為也卒年八十  
子為禧附生兵部主事晉卿主事銜孫宗澄附生

瓊山縣志

卷二十四

人物

六

能傳家學

郭天衢字達亨號雲莊博茂人附生森子岐嶷穎異  
讀書能通大義文詞淵雅兼工書法馳譽騷壇道  
光乙酉選拔試列高等旋中副車下帷攻苦仍無  
倦志聞望日起而砥節勵名謙卑自牧其品行之  
高時流莫及逮丁酉選拔倂得倂失復蹈前轍文  
高遇蹇人皆惜之天衢毫不介意閉戶自精力求  
深造李學使星沅賞其品學選拔偶遺取錄優行  
貢成均廷試報罷無意宦游怡情家術寄懷竹素  
子對瀛附生孫詒穀詒福俱庠生書香四代  
符顯欽字若綬北門人恩貢生父家麟為瓊名宿志



有傳兄顯銘優貢少承庭訓長益博聞潛心嗜古  
能悉源流當時每有大文皆以推袁久爲士林所  
欽式續修縣志舉爲分纂平生率循禮教躬行實  
踐性至孝居母喪一遵古禮出柩後仍執杖麻衣  
三年每逢生忌日哀痛拜祭世所罕有與林明經  
瀛王明經廷傅爲道義交有時爲詩酒之會此倡  
彼和互相商定創舉西城九方賓興有益士子道  
尊望重宗族鄉里無間人言著有詩文集惜後嗣  
無人散失已久無從搜輯

王廷傅字亞師號兩巖舉人承烈長子聰明穎異少  
承庭訓遂工吟詠弱冠歲試進庠科試第一連食

廩餼才名日起兼工書法學逸少蘭亭黃庭經樂  
毅論得其神似詞翰敏妙擅勝一時周觀察鳴鑿  
雅重其才延請入署教子談道論學相得甚懽俱  
以翰苑期之道光丁酉始以選拔貢京師廷試報  
罷無志仕進歸家購城南田園數畝建知稼軒讀  
書課子其中軒有八景曰秋疇早稼冬圃寒蔬水  
田鷺影夜雨蛙聲嵐光排闥竹蔭環亭方塘月印  
古堞霞標一時倡和傳爲韻事怡情書史與會所  
至託爲詩歌不尚新奇聊以適意晚年諸弟云亡  
吟朋凋謝若林海樵灑符若綬顯欽輩無一存者  
感舊懷人情難自已惟以杜戶謝絕人事藉養天



年而已卒時已逾古稀著有知稼軒詩文鈔子沂  
贈別有傳

黃建範字錫侯號觀疇東廂人增生歲貢書一次子  
少而岐嶷克承家學規行矩步講明道學教人師  
法程朱設帳郡垣從游徧十三州縣誨人不倦以  
身示則性至孝遇父病痢奉侍湯藥不離左右嘗  
糞以驗其症之重輕及歿哀毀骨立喪祭盡禮凡  
遇生忌日拜而流涕孺慕終身同治紀元有司舉  
孝廉方正力辭不就馮太守端本尊賢重士造廬  
詢其起居時饋米肉卒時親臨弔賻及門奔喪者  
遠近皆至共刻石以表其墓舉人陳貞撰文子健

瓊山縣志

卷二十四

人物

二十七

庠生儁廩生能世其業

鄭天章字倬雲鳳樓人丙子科賜進士性情剛直坦  
易率真自少得家庭教育專學程朱之學程朱著  
作悉爲承購潛心理學以居敬窮理爲要以躬行  
實踐爲歸嘗與及門論學謂程朱學術醇正無弊  
由淺及深自下學而上達循序漸進功由勉以樂  
安盡人皆可學之若陸王之學天資高明者方能  
學之然未流之弊必至援儒入釋以釋爲儒故願  
諸生學程朱又謂世儒輒詆程朱之學爲無用不  
知程朱在朝不久條陳時事見諸章奏剴切指陳  
毫無諱忌當時果用其言未必無益於世無用之



學能若是乎况程子治鄆縣上元晉城朱子治同安與浙東救荒皆以救時濟人爲心所至民化所去民思卽漢之龔黃原不多讓觀其論學之言則平時宗法可知也其胸無城府和藹可親人無論貧富待之如一至論地方吏治力爭得失必親爲指摘大聲疾呼而面斥之無所回護瞻徇其慙直自行直率性真當於古人中求之故及門諸生多立品勵行之士由平日一介不取躬行節樸有以化之子里銘里鑑邑庠生能傳其學

周仁山字壽南東潭人負性聰敏深沈力學弱冠游庠文名噴甚辛酉選拔試輒高等而竟列副取第

瓊山縣志

卷二十四

人物

六

一人多代爲不平仁山毫不介意由是杜門汲古肆力詩古文詞至同治壬戌科遂領鄉薦會試屢薦輒無一遇主講雁峯書院數年諄諄善誘多所裁成卽雷州徐聞士子崖州陵水諸生多負笈從游得其講授翹然特秀中年以往選授連州學正連州僻處邊隅尚少師表一履任後州人士請聘主南軒書院講席嚴立課程因材施教風氣爲之一變而於生徒束脩不計多寡待貧士更加意體恤一邑之人化之不三年卒於任不名一錢州知與諸生捐金始得扶柩歸里子賀慈廩生  
馮耿光字觀臣號琴石父紹京歲貢生庭訓綦嚴教



子姪讀書跬步不出戶庭耿光天性聰敏讀書兼人自少嗜詩古文詞由漢魏六朝迄唐宋元明以逮近代各名家無不兼綜博覽故自弱冠進庠文名大噪每一藝出傳誦當時遇學使試瓊古學俱冠同儕咸豐辛酉選拔府學第一殷學使壽彭選其詩文刻校士錄有南海明珠之譽廷試留京數年學益深邃歸里後主盟騷壇凡宦瓊詩人無不投詩相贈慕其才名不數年遽賦玉樓士林惜之著藕根山房詩鈔四卷葢葑軒詞一卷十二硯齋文稿二卷弟聯光字珠浦廩貢生學有淵源文詞淹雅與兄齊名有大小馮之目著有藤花山館詩

瓊山縣志

卷二十四

人物

六五

鈔二卷刻先代潛亭東山備史十二卷

梁悅孔號魯巖珠良村人聰悟絕倫初學爲文有如宿構十八進庠旋食廩嶽肄業雁峯爲院長王承烈所激賞爲文典贍不落凡近字法歐陽率更得其用筆張方伯岳崧嘗爲延譽文高命蹇屢躓秋闈年未不惑遽歸道山林惜之

張伯琦字誦珊廩貢生調塘都曉坡里人素耽文翰潛研典墳兼工書法爲定安張方伯岳崧所器重續修縣志衆舉充分纂以諸生而任編纂惟伯琦一人其學問之博雅爲時推重可知也任翁源學教職子問書廩生有父風工詩善書名高瓊庠著



有曉坡遺臺同書增廣生員寫作俱有家法

王沂暄字愛堂號煦春舉人承烈孫振貢廷傅子天資中人自少刻苦下帷足跡不出門庭鄉里罕識其面潛研既久心志忽開十五以後閱通經史洞悉本原學爲詩文矯然異俗弱冠遂補弟子員閉戶精勤家有藏書肆力漁獵經學嗜尚書古文編輯漢宋經說擇其與古義發明者錄之成尚書集說二卷原本成說不下斷語遵宋衛湜禮記集說例也春秋嗜左傳分國編纂先東周次魯齊諸國附庸分繫各國之後采取各家之解以釋之篇首援引史記叙各國之興亡成春秋左傳分編四卷

瓊山縣志

卷二十四

人物

七

詞賦嗜漢魏鈔京都上林藉田羽獵子虛等賦集李善五臣之注以釋之成二大冊詩嗜三唐古體讀漁洋詩選今體讀抱惜詩選俱有鈔本故其詩和平蘊藉王潤珠圓其得力於唐人者深也鄉試五戰俱北咸豐辛酉赴試京兆仍未遇留學南雍次年冬抱病而歸養病家術遂至不起著有書巢集二卷

王龍章字子登號譔臣天資穎異讀書兼人弱冠補弟子員文名大著般學使壽彭兩試臨瓊四榜俱列第一此科選拔廷試後闈丁外艱萬里奔喪塋祭盡禮家貧設教郡垣誘掖後進及門多知士選



授饒平教諭潮州爲其祖籍親謁祠墓置祭田宗族稱焉龍章天質高明爲文日十餘藝其敏捷非同儕所及司鐸韓山太守延請校試卷同官五人皆廣屬孝廉素有才名一日校文會友議各擬一藝以示作法龍章援筆立就各友尚未及半再構一藝仍先脫稿太守深爲擊節各同官至此始服其學比及三年又丁內艱歸後歷任陽春乳源始興連州一官匏繫而北江東江西江足跡幾徧待士子以誠不計印金多少所至士人悅之晚歸養老望重鄉邦所有地方善舉若籌辦海防團練瓊屬開設義倉等事規畫不遺餘力邑人賴之子璠

瓊山縣志

卷二十四

人物

七

瓊皆邑增生

陳嘉謨字贊典大林人貧而好學自少名雋一黌設教郡城十餘年從游徧十三州縣學規嚴肅因材施教人多化之故門下多知名士而於辜孝廉錫璋猶爲激賞其性情慷慨肝膽照人凡剗公益之舉無不身任其成人之多言亦所不避創造合族大宗祠力肩艱鉅規模宏大擘畫周詳經費二萬餘金三年始能蒞事而心力瘁矣南北二闡十度槐黃輒不一遇竟以明經終

王星鵬字惠甫邕陽人聰慧過人好學深思匠心獨運爲文自成一家江觀察國霖任巡道時下車觀



取第一與文昌雲茂濟稱爲海外二士雲茂  
部茂琦主講臺從游盡一時之秀星鵬每一藝出  
獨冠時流吏部大爲歎賞謂才學在其族弟茂濟  
上吾讓斯人出一頭地吏部爲一代宗匠不輕許  
人惟許星鵬與其族弟茂濟爲遠到之器厥後茂  
濟果捷南宮叨館選而星鵬十五赴秋闈薦而不  
售才高命蹇爲海外之王廬東老猶誨人不倦隨  
遇而安怨猶習泯其所養深矣卒年八十

黃儼字揚可號述人祖晝一歲貢父建策居貢志有  
傳三子長任三侃俱有聲庠序儼其仲也岐嶷穎  
異資稟過人十歲五經成誦初學爲文援筆立就

如宿構及長日成十餘藝獨出冠時一  
林太守鴻年取冠童軍補縣學弟子員  
使乃普歲試取錄第一其父建策第二  
父子仍取父第一子第二時人榮之由  
高常自卑牧勵志精勤經史之外嗜秦漢  
家文學久心得故爲文清剛上雋有先正  
素貧友教四方藉束脩以供菽水教人一  
禮讀書日程示學者以居敬窮理之功謂  
心存窮理則學博夫理何由窮在乎六經  
之大義先考微言由微言以講求大義舉  
制作之精意聖人刪定之宗旨與夫傳授



皆在微言之中經秦火後漢儒保守以存  
諸儒箋注以明之千言萬語日多一日必  
詳說之擇其與經旨相發明者以從之具  
約之功窮理即所以居敬也其教人學六  
祇用功參之左傳以求其變化博之史傳  
氣息熟精蕭選以別其流派取法歷代  
會而貫通得心應手文章至此始能入  
其駁而不醇遠經蔑古之言方聞其非  
之言闡明其理必如韓子之出文見道  
戒虛車斯為得之豈其及門之多知者  
篤於內行母而弟請長子易藥衣不解

聖

瓊山縣志

卷二十四

七

祭遵古禮與兄弟極其友愛讀書每有心得相與  
證明之如有疑義亦與研究之家庭之內怡怡如  
也卒年五十七子觀澍庠生觀治拔貢孫暉郡庠  
生能傳其家學

陳貞字

伯亮

東廂人順天舉人其父客江西生於南昌

自少好為詞章之學兼遊幕以謀衣食同治庚午  
由顛返粵鄉試不遇次年留京讀書謝絕人事潛  
研載籍閱三寒暑文名大噪癸酉獲雋始歸瓊訪  
兄弟謀置宅一區以妥先靈仍歸江西屢試春官  
不第遊梁遊鄂所與不合其慷慨激昂之氣一於  
詩寄之晚年挈眷返瓊當道聘主瓊席一



詩文用功最深出入唐宋得其宗法素敦品行不以私事干謁雖貧無立錫而詠歌自適聲出戶外有原憲高風惜主講一年遽歸道山無子士林悼之著有詩集四卷手自編定

馮驥聲字少顏梅峽人資質卓絕嗜學勤劬自少好徐庾王楊之文李杜蘇陸之詩早有時名赴試粵垣游觀學海堂慕侯君謨林月亭曾勉士陳蘭甫之經學購經解數百種書航海而歸閉戶精研潛心數年由江戴段王之經說以尋繹漢儒之訓詰無不互發明故說經以許鄭爲宗思著說文音義考以證明許氏之古音古義輯尚書疏證以闡明

瓊山縣志

卷二十四

人物

七

鄭氏之注義置數冊案頭隨見隨錄其志願宏矣同治癸酉以拔貢廷試會同年於京師梅州黃公度學識冠時諸同年少許可驥聲出詩稿相質歎爲異才深相結契由是才名大著推爲海外巨臂在京訪求丘海二公全集得其初刻本携歸校刻於瓊臺並輯二公年譜表章先賢不遺餘力創建肇經書院以經史詞章課士瓊人羣趨實學自驥聲倡之屢試秋闈不售人咸笑之謂爲讀無用之書學雖淹博而時藝不守繩尺安能博取科名詎知經術深沈發爲文章更非時流所能識辛卯果頗鄉薦羣疑始釋惜其年已五旬讀書過勞宿病



俱發未赴春明遂歸道山著有尚書疏證毛詩疏證許氏說文音義考丘海二公年譜抱經閣詩文集等書

辜錫璋字蘭階號碧崖大林人負特絕姿讀書數行並下成童時塾師咸稱其才從陳明經嘉謨學激賞其文許為遠到之器弱冠以取錄古學補弟子員聲高庠序胡學瑞蘭按試來瓊歲科取冠府學稱為海外名士次科何學使廷謙選拔取冠瓊州廷試不遇留京讀書與輦下諸名流為文會初則少遜後乃與之頡頏良由天資靈敏才氣橫絕一經憤發遂足爭長詞場乙亥恩科中順天榜前列

瓊山縣志

卷二十四

人物

七五

會試報罷聞丁艱奔喪讀禮未完一病不起英年續學遂赴修文士林惜之著有碧崖詩存饒有唐音以妻弱子穉未能保存今為訪求未得遺稿

林之椿字秋舫號嵩齡博茂人資質聰明讀書過眼成誦聽塾師講授遂能背誦不遺一字其父芹明經異之教之學文出語驚其先輩未弱冠一試遂冠童軍補弟子員鄉闈屢試不遇汪柳門當代宗師按試來瓊以擬丘文莊南溟奇甸賦大為激賞有海外奇才之目此科始領鄉薦四上春官皆薦不售主講瓊臺八年課諸生以經史詞章之學兼及時務游其門者士多通才猶熟於古今掌故與



世運之變遷常與諸生言嬉說不倦論西學能探政教之本富強之原戒諸生莫拾西人皮毛遂自詡爲新學著有東湖詩文集四卷

曾對顏字鏡芙號少泉父射斗歲貢兄慕顏志清俱庠生天性聰敏過於其兄九歲四書五經讀畢族遭命案爲仇人所攻舉家遠避流離辛苦難以言狀數年宛始白而家已破矣下帷發奮名譽日隆暗誦古文詞覃思研精久之自得乙酉登拔萃科廷試南歸益潛思載籍凡七錄四部以及近代名集泰西新出諸書無不兼綜博覽洞悉彌遺屢試秋闈薦而不售甲午科文已入選又以額滿見遺

自謂功名有定未可強求爲賦小游仙詩以寄意又當大局日變時事艱危蒿目興懷形爲歌詠其音節之悲壯不減唐人至丁酉科始願鄉解春官三上皆被放歸時值科舉議停改書院爲學校遂以院長爲校長改造講堂添建齋舍承購儀器延請專門教員以期講授之有益條議章程編定學規皆能正本原而防流弊適遇民國甫立郡垣開戰聞礮聲轟擊飛彈流空講學不輟後因宿病日劇遽歸道山年僅五十六著有還讀我書室詩集二卷手自編定不取三十年前之作文集四卷張廷標字子芳號梅坪天資穎敏潛心嗜學自少遂



工吟詠壯歲以後務爲實學經學由訓詁以求義理能觀其會通史學專求馬班范陳四家志疑考異能深明其體例家素貧以教讀爲業游其門者多傾鄉薦以優行貢成均而廷標終於明經窮愁著述老而彌篤著有經史札記梅坪隨筆澆俗山房詩文集海南百詠等書

王子俊字秀升西廂人自少劬學有聲庠序負幹濟才邑中公舉如重修雁峰書院文昌宮明昌塔文峯塔大功程皆其經理創建王氏大宗祠經費二萬餘金力任二年始能告竣其名譽爲時所重中年以後選授長寧縣教諭推誠待士人服其教兼

瓊山縣志

卷二十四

人物

七

主書院講席與諸生論文講道相得甚驩怡情吟詠興會所至於詩寫之在任十八年古稀已屆乞休歸里預營生壙身後諸事其達觀爲近時所未有卒年七十六著有新豐詩集二卷官長寧時作自爲編定

楊敏字瑞言號遂園歲貢生少失怙恃依養外祖教之讀資質兼人出就外傳憐其才不索脩脯爲文下筆滔滔不竭日成數藝年十九應童試輒冠其曹補弟子員三赴秋闈薦而不售生平性情磊落瀟灑出塵掉臂文壇睥睨一切老猶嗜學不倦課子延請名宿不惜修金卒成通學壽六十二子紹



川廩貢慶鱸舉人

陳宗虞字才思號冠書西廂道客村人少而端慤束髮就傅即刻苦用功無間寒暑由府案首進庠旋補廩膳生爲文清剛上雋卓乎名家三試秋闈三薦不售嗣因兄弟凋謝親老在堂奉侍晨昏不離左右遂絕意進取其時孫觀由詞林分巡瓊臺課士連取宗虞第一稱其才學足冠海南大爲激賞勸其赴試以親老辭孫觀益重之謂讀書不爲利祿之學今難其人不圖於海外見之丙子辛巳丁內外艱哀毀骨立喪塋遵古禮家素貧課徒自給設教郡垣功課嚴督日則講經論文夜則退省其

瓊山縣志

卷二十四

人物

七

私師道尊嚴從游徧十三州縣束脩不計體恤寒士學者仰之如山斗後以教讀過勞精神銷耗幾至失明卒年僅五十門生樹碑以表其墓

蕭志健字巽五東廂東門內人自少聰敏十二歲四書五經畢業初學爲文出語驚其先輩年十三應童子試戴學使熙取錄進庠大爲獎賞後復任學使者取古學歲科高等以優行貢成均年方弱冠廷試就教職署新寧訓導潛心博古兼工詞翰重修縣志充任總校中歲以後家貧游幕當道重其才學在縣署十餘年一切交涉訟事絕口不談親友不敢一請託者時人高其品行不僅元瑜書記翻



翮各得體宜也卒年六十有四子國珏應縣府試  
當道欲取前列亦堅辭恐增多口後亦進庠繼其  
家學

舒喬青字蓮洲號史園城內府後街人增生少負逸  
才怡情吟咏每遇名勝流連憑弔表章忠義性嗜  
詩歷朝大名家集泛覽無遺能道其流別賞其奇  
警除詩集外一無所好亦一癖也下田鄭貞女死  
已十餘年力爲闡揚邀同志詠其事編成卷帙刻  
以傳世惜年未三十遂歸道山著有綠雪山房詩  
鈔一卷其師邱對欣爲序關培萱廣文有題詞



人物志

忠義 奮勇附 宋 元 明 清

宋

謝明

謝富

冉安國

黃之傑 傑史作紀 俱郡人宋末祥興元年從安撫趙與

珞拒元兵於白沙口極力死戰被執謾罵不屈

元將怒皆裂殺之 戴通志 祀於祠 蕭志

元

周仁東洋一人時疫流行傳染多死家人畏禍引

瓊山縣志 卷二十四 人物 忠義 全

去仁獨留視曰生死有命棄之而逃不忍既而

死者葬病者藥仁亦無恙至正間為石山寨巡

檢與賊戰死之祀忠義祠 蕭志

明

郝信為中所總旗天順四年千戶邵偉子邵瑄叛

舉城奔潰信厲聲罵曰朝廷素日養兵欲用於

何時遂奮刃殺賊三人賊眾驚走追敵不已卒

死於賊祀忠義祠 牛志

王正海南衛所指揮成化乙巳春偕指揮徐鼎白

京返瓊舟次廣州波羅廟前風大作舟覆正推

蓬出抱舵得不死嘆曰吾友老母在吾與萬里



歸友死吾何忍獨生耶頃電掣見傍有艇遂冒  
攀登岸求斧劈船底數艙出鼎因而活者四十  
餘人餘屍亦爲撈牛志

俞寬爲人倜儻動必法古尤酷於利物有阨難者  
必濟之宏治壬戌有婦暮投其舍問之曰我抱  
原寡婦也強暴者欲污我故避之已不食三日  
矣寬以爲義命家人伴之且爲之餉明日婦辭  
去強暴者聞之恨寬阻阨其事以勢逮之獄誣  
其與抱原男子盜婦而匿之時無良有司故爲  
勢所脅甚爲之捶楚男子懼而自經寬不可逃  
仰天一呼捶楚盡折人皆寬之獄三年不決一

瓊山縣志

卷二十四

人物

忠義

全

日誣寬者狂呼而死有司始出寬於獄他日有  
囊錢布過者悞遺於地寬追而還之見人困踣  
於地而不能前者舉其杖授之濟物之心始終  
不變當時皆稱俞義士云阮通志

谷泰海南衛指揮平居以忠義自許宏治甲子春  
督備東山所適南山等黎岐越萬州界牛姆芋  
等處流劫時兵備副使王繼懦怯聞報黎賊者  
輒杖之泰曰官名督備乃懼上司而忍吾民受  
害耶卽率官軍衝前擒捕奪回被擄者甚衆賊  
驚退後賊大至軍少力單奮勇不已遂死於戰  
州人至今哀之牛志



王欽世籍士舍少爲諸生剛方尙義善騎射萬曆二十六年居林居祿二崗黎反欽募兵捐餉同官軍討平之編隸版圖兩走京師請豁黎浮田稅鄉人至今稱頌之志

清

梁際運字賡人梁沙人中康熙癸卯鄉薦有智謀康熙十六年黎賊那又那嘎煽亂蹂躪州縣僉事范養民命際運領鄉兵進剿擒殺賊黨數十父嘎勢窮就撫二十年土酋韓有獻等勾通海寇楊二謝昌內外煽起奪海口城據之二十二年瓊鎮劉成龍謀於護理道事修湖年復命際

瓊山縣志

卷二十四

人物

忠義

全二

運進招有獻出郡歸誠地方始靖志

鄧朝麟東營教場人充鎮標右營把總康熙四十

年黎賊王鎮邦騷擾官兵往剿朝麟奮不顧身衝鋒陷陣而歿旋經招撫事平敘功陞千國賢爲把總後官至龍門都司志

吳壯猷字克其號元圃大林人廩生榮光曾孫任

虎門參府陞海口協有勇畧能入水提鎮戰海濤激湍不懼嘉慶年間烏石二海田九等肆掠瓊海猷帶船巡哨親号矢石不避艱險其戰多捷沿海獲安人倚之如長城卒年三十餘志

陳秀光字文卿號壁山西廂小北門內人左營千



總蛟龍子素尙氣節膽畧過人從征崖陵萬定各屬黎匪異常出力補萬州營千總保獎守備銜光緒四年戊寅僭臨客匪倡亂焚劫村莊徧地流毒劉道鎮楚統湘軍到瓊勦匪親至臨高屯軍和舍市戰於白石山遣秀光率兵爲先鋒直抵巢穴挺身連戰皆捷羣賊蠡起截斷後面援兵秀光棄馬徒戰與千總陳國泰奮力血戰自辰至午國泰戰亡秀光拚死禦敵勢孤被執賊勸其降罵不絕口賊怒遍割其體瘡尸皆碎不獲歸元死節之慘近今罕有光緒十二年七日奉祀昭忠祠世襲雲騎尉子姚熙廩貢生襲世職歷署左營守備右營都

瓊山縣志

卷二十四

人物 忠義

八三

司崖州營都司

陳國泰左營千總郡垣內人慷慨有奇節每遇征調身先士卒白石山一戰奮勇先登被賊四圍截斷官軍統領劉道鎮楚敗績不能援救身被數創殉戰襲雲騎尉祀昭忠祠

陳鳳森郡庠生環瑯都榕仔坡村人光緒五年萬州

黎賊首陳忠清紅香等數千蹂躪瓊定澄臨數年

十一年擾出定安南閩市府道派官軍到十七坡與賊交戰被困鳳森聞賊困官軍乃率鄉勇千餘赴援力戰互有殺傷賊衆難敵卒被擒寸磔是役並死其從弟武生鳳升及鄉勇陳大勛梁國經盧



朝端陳啓秀王正官王大光王日光等九人知縣  
陳起倬會同地方捐題建忠義祠在黃嶺市祀之  
稟詳上憲恩賞鳳森世襲雲騎尉銜

王定三武生安仁圖加令村光緒己卯年黎賊首陳

忠清紅香等倡亂搶掠瓊山南坤圖加纜村住紮

定三身為團練團長督率練勇數百人與賊連戰  
數日卒死沙場是役戰死林啟伯陳昌時歐文爵  
林樹文王德元王載章王德邱黃達謙王道岳賴  
文生郭進壽黎尙仁陳昌成等十四人俱安仁都  
現祀在嶺腹忠義祠



明

蔡從龍梁陳二人明崇禎歲貢生舉義兵被戮於

前村村前大石邊

採訪

張紹鵬崇禎年間土寇猖獗鵬集鄉勇捍禦境賴以安林道憲獎以守備冠帶贈義重鄉許匾後復被賊殺死鄉人刻其像配祀武郁廟

王世臣衛所人原襲指揮職自京師還順治四年

丁亥四月初三日

王師南渡臣單刀匹馬馳出教場迎戰死

舊志

崔上臣海南衛崔斌子順治四年四月初二

王師徇瓊臣匿身西黎七月破家募黎兵與定安廩

瓊山縣志

卷二十四

人物

忠義

八十五

生吳履泰赴難壘於上那邕都邁元坡縣丞翟

天擢領兵夾擊殺吳履泰於江邊執臣以歸

清

蔡傑遵都叠村人有勇力善騎射康熙年間楊鬚

鬚陷定安渡江破蒼原員山等村轉圍叠村傑

率眾捍禦出戰遇伏遂遇害所騎馬奔回至家

尸始僵郡城救兵到圍得解

吳道權烈樓人由武庠補右營把總年老告歸嘉

慶庚午海賊烏石二海田九等搖蕩濱海苦之

權招鄉勇同官軍捍禦賊平總鎮馬應國愛其

壯勇保舉千總辭不就百總制齡獎以梓里千



城區詳呈加衛千總銜卒年五十四子中桂孫家傳俱武庠生採訪

黎必耀字尊亭官千戎府后市人萬陵間有牛嶺黎匪互巢道光二十五年奉委查捕得巨賊二十餘正法巢卒因設鐵箭以團練黎岐職服文昌進士雲茂琦為記各紳士賦詩贈之

張遇春字文炳把總五原人例貢生錦孫外委瑞龍子善騎射有奇氣歷守萬州會同儋州汎艱險不避咸豐元年守調南變起倉猝奮勇力敵被數十鎗而死

張志剛西門內人官外委咸豐元年儋州調南亂

瓊山縣志

卷二十四

人物

奮勇

八

盡力禦敵死之

俱同上

周朝陞海口營把總博茂圖人光緒元年奉派防守清瀾汛務四月初九黎明聞報洋匪登岸搶劫東郊市聯昌鎗當朝陞即刻督帶兵船前往追擊適遇匪船竄出飭兵奮勇迎擊匪船放槍拒敵先後夾攻朝陞奮力衝殺奪路回臺然放大礮攻匪去路匪黨兇猛異常槍刀皆進朝陞受傷數處拚命格殺斃匪數名匪擲火包然燒昏迷倒地幸獲勇兵獲救匪始逃竄朝身受七傷並火燒右手報驗在案延醫調治以傷槍太重未幾殞命案經詳報照例議卹據案冊



王隆福安仁都千秋場村人宣統三年冬黎賊掠劫  
嶺腹加合村周朝村千秋場村隆福奮會勇奪路  
獲擊槍斃賊匪數人柰眾寡不敵被賊槍斃現同  
祀嶺腹忠義祠

林宜華字德甫號桃溪博茂人由行伍補海口營外  
委素有膽略當儋州劉文楷爲亂時道鎮懸千金  
購之不能得屢出兵征討亦不能平總鎮吳元猷  
熟悉瓊州情形粵督徐廣縉田碣石調署瓊州鎮  
責以勦賊宜華請以隻身往擒文楷元猷壯其言  
潛師援應宜華乃變姓名雜行商深入黎洞結交  
頭目由各洞頭目介紹交文楷會演戲時借觀戲

爲名邀文楷信出離洞口稍遠宜華力撲擒之負  
奔數十里潛師援應帶赴營元猷驚喜升授把總  
儋州悉平宜華後赴江南大營張國梁麾下累有  
戰功官至總鎮歷署海壇黃巖州喜灣總兵子  
桂芬廩貢生福建候補同知孫成 附生



人物志 孝友 元 明 清

元

王紹北冲人元初寇亂父為義兵歿於陣紹方弱  
冠手持刀斧奮勇赴難以身殉之蕭志

明

蔡庸字秉常瓊之戎士永樂中備倭海上於萬全

獨洲洋為賊所俘後至日本投其國僧久之乘

間泣言母老在堂僧惻然白其主得釋遂相率

賦詩名萬里一歸人卷贈之及歸母尚無恙而

庸已年七十餘矣鄉里莫不嘆異阮通志

榮瑄前所人三歲而孤與兄琇並以孝聞明史鄭誠傳

瓊山縣志

卷二十四 人物

孝友

六

天順四年土賊據瓊城殺不附已者以威眾半

夜變起倉卒城中多棄老幼走瑄獨與兄琇扶

母逃賊漸迫自知不免琇謂瑄曰事急矣二人

前死無益我衛母汝急去庶幾脫得一人養母

此天幸也瑄去琇扶母為賊獲脅以行不從賊

大怒按刀母頸謂琇曰我先殺爾母次及爾何

如琇叩首曰乞免母死賊遂擄琇與其母去及

大軍壓郡琇自賊中出為官軍獲執送主將將

斬之瑄冒死前進叩首流血請曰兄以活母陷

於賊今母老家貧恃兄為命兄死母亦死瑄屢

弱不足為有亡昔日遇賊本不圖生用兄言走



脫嘗恨不得代兄一死今乃得死所願存兄養  
母言辭悽慘主將不察竟殺之既翻然悔曰凡  
爲人兄弟皆當知有此義好人好人枉殺矣遠  
近莫不灑淚嘆惜牛志

王恢字撫潭烈樓那疏村人琪子忱兄時號爲清  
修吉士事親孝廬墓三年墓前有白兔守靈芝  
之瑞子朝隆歲貢生向武判官別有傳採訪

唐繼祖東廂人舟孫任長沙衛經歷家素貧與兄  
承祖弟紹祖顯祖四人友愛極篤成化間紹祖  
虧官料逮追繼祖賣其妻從嫁田數百金爲償  
妻馮氏亦無難色鄉里以爲賢郝通志

瓊山縣志

卷二十四

人物

孝友

八

鄭稽字考夫烈樓二人成化癸卯舉人與兄穉早  
失怙恃孤苦相依及長不忍分爨知洛容縣俸  
入皆穉主之纖毫不入私室穉沒奉嫂益恭鞠  
二女擇士人歸之鄉人取田真之事名其居曰

荆茂賦詩頌之

黃通志

唐緯

郭志

字紹之東廂人南城司訓卿

舊志

之子

處州府學訓導父病侍奉勤苦備至卒廬墓終  
喪閭里白其事於上司移文旌獎令太守謝廷  
珙郭志詣其家戴通志

周禎東洋員山人少失恃遭繼母李氏有人所不  
堪言者禎不忍使人知李恐溢其情反以見誣



父不察時加箠楚終不白其事禎竟至於枉死  
人咸謂其有申生之節伯奇之操

採訪

楊禎中所人家貧與弟二人共爨出同行入同食  
友愛老而不替庭樹荆花葉時茂偶歲不花遂  
卒其妻李氏尤賢淑雖織財不私時勤幹濟家  
用亦殷裕

牛志

張可載東廂人郡庠生隆慶五年倭犯海口可載  
挾父逃賊傷其父可載奮力持刀殺賊一人賊  
退乃負父密藏出求救官軍竟無應者父死可  
載痛恨控訴官軍懼賄白金不受事聞督學巡  
按移檄旌之

牛志

乾隆十二年祀忠義孝弟祠

舊志

瓊山縣志

卷二十四

人物

孝友

卒

王盤郡庠生性篤孝隆慶六年寇入海口城擄其  
母盤貧無所有多方丐貲以贖母幸脫繼至者  
責如前盤無以應願以死生母賊怒俱殺之

通志

徐福左所人父病割股和羹以進

舊志

孫思誠字明之廕姪孫性孝友重義樂貧居喪不  
入寢室飲食必奠者終其身晚年嘗與梅竹一  
切世味泊如也

牛志

陳鉞字安侯蒼原人郡庠生性資穎異日記萬言  
文行兼優督學蔡可泉李洪西亟稱之丁母制  
讀禮哀毀骨立佷倭寇焚棺劫掠獻家所有於



賊抱母棺慘哭倭感其孝獲免歲祲煮粥賑饑捐棺瘞骸置船以利河津分穀以濟族中貧者

賈志

李廷茂歲貢生任贛州訓導父母沒廬墓終喪巡道表其宅曰李孝子郡守同知柳邦傑賦詩贈之中年失偶誓不再娶

周維城東岸人性孝友海忠介以女妻之居母喪賊掠其家未厭欲斫棺維城極力抵護被賊刃死鄉人舉聞兩院旌獎俱同上

李輔聖西廂人生員李應和子儒素承家硯田度活崇禎八年繼母王氏病危割股和羹至誠格

瓊山縣志

卷二十四

人物

孝友

九十二

天母病愈道府旌獎其門曰篤孝牛志

清

周其都東洋人歲貢生明歲貢明鳳子性孝友

國初土酋擾亂擄其父去其都入賊巢救出之癸巳

饑斗米銀三兩負米養親無缺父卒哀痛盡禮子姪學無資者竭力助之爲人淡忘勢利足跡不至公門子國畧庠生孫景中康熙乙酉鄉式

舊志

林昌運東廂人林春先養子自幼肩挑負販以養父母母符氏病篤失明昌運割股籲天母目復明病亦獲痊鄰里異之郝通志



鄭存禮西廂人孝友性成髫齡母病朝夕虔禱願  
以身代父年耄齒脫嚼飯送咽數年不懈居喪  
哀毀盡禮廬墓三年遇忌日慘戚之容有如初  
喪友愛兩兄撫養孤姪皆世所罕覩卒年七十  
有六雍正十二年請建坊旌表乾隆十二年祀  
忠孝祠阮通志長子正華廩生次子正捷貢生孫  
之泗庠生舊志

林朱密賈志作朱密武生節婦唐氏子二歲失怙母守

貞撫育及長事母盡孝鄉塾得肉必持歸奉母  
母喪哀毀廬墓三年乾隆十二年請祀忠義孝  
弟祠阮通志

瓊山縣志 卷二十四 人物 孝友 五十一

劉繼漢振文人幼失怙恃與穉弟承漢紹漢同居  
其鬻子無異視財無彼此友愛和樂當道匾其  
廬曰一門和氣蕭志長子一芳樂庠次子上選府  
明經孫雨邑明經舊志

吳位和西廂人八歲喪母哀毀若成人及長懸母  
像朝夕瞻拜事父暨繼母能竭力侍疾衣不解  
帶親沒先後廬墓六年仲弟病躬調藥祈禱不  
飲酒不茹葷者數月乾隆戊戌瓊郡歲歉位和  
亟遣人馳告潮商出海道運米至又使其子玠  
橐千金市穀於雷以備賑一時米船雲集市價  
以平其幹濟類若此由廩貢生任博羅訓導卒



乾隆五十三年以孝行旌阮通子典編修詳名  
賢季子玠恩貢生詳卓行

張載燊字德庵廩生性孝友敦睦宗族事繼母先  
意承志得其懼心外祖父歿無嗣為之立後又  
出已貲建專祠並置東排田莊為蒸嘗費歲時  
必躬親與祭遺命子孫率循至今不廢張志

黃政愷字瑞祥環瑯圖栗園坡人父廣雲監生性  
豪邁慷慨好義里閭多沾其惠後因業師廊某  
故其妻為林家誣控抱不白冤雲不平代鳴官  
官不察竟屈法充雲於遠地聞者為之泣下政  
愷性至孝痛父非辜羅罪願以身代官不允跟

瓊山縣志 卷三十四

人物 孝友 九十三

至電白縣父勸其母老弟釋不必以我為念因  
泣歸朝夕向西南涕泣疇天默佑年餘其父竟  
於貴州麻哈州卒愷年十餘痛絕再三乃抱淚  
步至麻哈州尋之越二載方得骸骨負回葬其  
孝行至今人猶稱道不衰云採訪

楊題青號史菴父載華樂縣教諭因家西廂圖景行  
街年少失怙貧難自存母子相依辛苦萬狀曾明  
經日躋愛其才以兄女妻之助其誦讀題青聰穎  
異常下帷發憤經史諸書手自鈔錄靡不宏通嘉  
慶己卯仍以大埔本籍舉於鄉勤課生徒藉束脩  
以養母性至孝母有痼疾奉侍湯藥不離左右澠



穢必親自洗滌終夜憂懼目不交睫病愈後已母嗜蔗牙脫不能嚼因製小石杵搗汁以進每有嘉穀懷以奉母自食粗糲言笑不苟鄉里稱其孝生平崇尚氣節儉樸自持就館雖遠徒步往來途人不知爲孝廉卒年四十四士林惜之妻曾氏哀慟不食絕粒九日殉節子敏歲貢有傳

郭唐封字兼三越南產也世居蘇尋都高村里少有志性讀書試爲策論傳誦一時年十七歸瓊家貧無書可讀宗族鄉黨資之俾肄業雁峰書院庖人偶忘供夕殮忍饑誦讀不輟遂以能文補弟子員意不屬也念母在日南隨父往省相依久之族人

強使之反三年不苟言笑及丁外艱哀毀奔喪幾至滅性服除補廩乙亥丁母艱泣血日夜不離喪次自近時士習澆漓或多匿喪川就誠或託出嗣以圖名利遇有候廩缺者必賂以多金方爲實報唐封母卒遠在日南書斗慮其如是來里探問纔入門見其衰經芒鞋伏在靈幃杖而後起形瘦骨立隨即手書報丁艱書斗歎息而去士林聞之稱道不衰家赤貧課徒自給不間修金多少自行以就道一抵羊城每望南雲思親悲切淚潄潄下即不食同行者來相勸勉則益不顧終不入闈而歸



生平以未遂養親爲憂或有問及或講古來孝子  
行事皆爲涕泣不食鄉里中咸稱爲唐孝子卒年  
七十七